

道光癸未重修

萍鄉縣志

興賢堂度板

序

歐陽子五代史成自言不敢多
令人知且戒人勿漏何懼之甚
也又言極有義數須要好人商
量可用無媿矣其真懼也耶其
真無媿也志亦若史然余嘗論

作志必如歐陽子之有義數又
須有好人商量乃為無媿然非
有懼心吾未知其無媿也古志
之可傳有書分兩卷僅二十餘
頁而上下數千年包括若有餘
闕者有書止七篇而義例甚明

綱目具括者志豈易言哉余莅
袁州之年即奉檄修省志袁屬
各請先為編緝既樂觀荆北龔
君分宜縣志而序之矣逾一年
萍鄉志亦來告成余觀之簡淨
精密體例詳明其斯為有義數

者乎蓋經台州黃君所筆削費
數月商量而成者也當黃君之
權萍鄉也敬慎下人每懼不能
為治而以心勞政拙自引媿其
於志也亦然嘗讀通書實勝善
也名勝耻也德業有未著則恐

恐然畏人知而進修則孳孳不
息此歐陽子之心也夫志與史
同道與政通志之所及載之職
也史失而載乃多誣道之所見
文之載也政戾而文亦互異而
能無媿乎吾未知其能懼也黃

君知所懼又知所為媿庶幾知
道者矣余樂斯志之成余更樂
黃君之近道也方今我

皇上崇儒重道

聖政維新 大憲勉進循吏而
日欲治之幾於古也以仰際

熙朝同文成化之盛即斯志也
吾為黃君勉之矣於是乎書道
光癸未秋月知袁州府事桐鄉
鄭心一撰



重修萍鄉縣志序



志萍邑輿地山川建置賦役學校武備祀典風俗祥異物產秩官選舉人物耆壽列女寓賢古蹟釋道藝文雜志成客曰子攻於斯志可謂勤矣鈞之括之爬

萍鄉縣志

序

之剔之芟夷而蘊崇之抑孔子所謂慎思明辨子輿氏所謂反說約者子實與有功焉視子之色一似深有疚者何也余曰然誠疚是也是志之修始於嘉慶庚午輯而未成訂其說者為

宮保金門劉公劉為吾師其邑人也於功為鉅繼而纂之者為邑賢士大夫半余授業生余於茲編不過稍僭筆削督其成而已敢自功乎抑余深有愧者縣志未修數十年矣此數十年中

其薦紳先生行方而言矩者何限孝子悌弟貞媛烈婦風頑而立懦者何限巨家大族義舉興修與夫獨行之夫一功之就善建而不拔者何限尤有文人騷客一詠一唸紀名勝於山川標

粉染之故實其揚風而於雅者
又何限而僅據此數十人之耳
目訂為一二寸之簡編豈惟百
密而一疎抑亦一掛而萬漏庸
無愧乎客曰是不然夫立言有
體辭貴簡要與其無徵而不信


毋寧舍妄而從真子之志子之
功也抑余為子懼者夫武功之
蹟楊岐之山羅霄之水此邑之
勝區也傳聞之異辭由來久矣
子乃斷之以一是其果是乎星
野之紛錯風俗之質俚選舉之

誤互藝文之籙衍子乃參攷得失搜抉蕪穢一求於至當其果當乎此外之力為棄取者尤不少也倘使後有作者援古籍以為據採先民之所聞還以相稽關子之口其毋乃壽陵餘子之

失其故步乎余曰是即子無徵不信舍妄從真之說也夫無徵云者非必其徵之無其徵出於妄者猶之無也舍妄云者非獨其妄之舍其真而轉妄者尤宜舍也余亦行吾之志耳庸何懼

雖然余並可以釋余疚矣從容
之言可以無愧從余之言可以
無懼然則終無愧懼矣乎余愧
夫辭之不文而懼夫後之弗續
也爰舉其說以為萍之人士告
道光三年癸未秋日

賜進士出身文林郎署萍鄉縣
事補授贛州府雩都縣事台州
黃濬撰并書



凡例

一星野繫之與地以星繫於野也吳越之分屬揚州其地最爲遼曠萍鄉一邑所繫不過在分杪開前志首列天文煩稱博引於義無取

一賦役最關緊要古之賦重從前志書其畧今之賦輕遵全書紀其詳

聖朝清汰浮糧

恩同再造謹附案畧以志不忘至社倉穀碩則據舊簡之所書云一志列物產卽周官物土之義徒矜博雅無關體裁今惟紀其

萍鄉縣志

凡例

物名開加註釋微實而已若昔有今無或有而不多產者概不登載

一人物自舊志前志外曾經補輯其無甚事業可傳者一節之美善善從長存其梗概而已至一家數世俱列縉紳者必攷有事實方附載於後餘悉從畧其科第官階曾入選舉門者註明有傳以便循覽

一人物有合傳者有附傳者或以事比或以系及循史例也至次第以時代爲先後不分流品用通志例

一列女以節烈爲重更有貞孝可嘉者無論曾否受旌但攷有

實徵輒爲錄入其淑行之媛果符衆論亦附表彰以紀圖德
一古蹟有見於山川者彼詳此畧亦史傳互見之法人物等傳
並同

一塋墓附古蹟宜詳於古而畧於今志例多有斷自前代止者
然舊志前志已載 國朝人塋兆難概刪除惟嘉慶年開補
輯未定者斟酌登載至邑人墓在他邑者不錄

一寺觀碑文有屬名賢著述者自應採入其或影響附會以僞
亂真者不錄譜序墓誌等並同

一藝文一類錄其關地方之利病繫建置之原起增山川之壯

萍鄉縣志 凡例

二

麗表人物之幽潛者此外風雲月露之辭往來贈答之什舊
志前志雖登概從割愛惟唐宋名作其人其文有光簡帙登
諸類首非有戾於志例也至近人著作以事關風教開錄一

二

一志錄舊文貴無失疑以傳疑之意茲但校其誤而存其真至
近代文詞則稍從刪潤

一志內徵引白志謝志統稱通志李志陳志統稱府志尙志稱
舊志胥志稱前志嘉慶十三年續纂者爲補輯其有各志互
見而參引者則但註一二以省目至山水橋渡等類援引紛

互概不註明惟人物等門仍註之以昭慎重

一查閱志乘簡末俱有雜載或事關考證或語係勸懲舊志前志缺如府志軼說載萍邑凡六則今稍增之列於卷後

萍鄉縣志目錄

署萍鄉縣知縣黃濬修
壬午進士

卷一

輿地

卷二

山水
附橋渡

卷三

建置

卷四

萍鄉縣志
目錄

賦役
附倉儲

卷五

學校
附書院

卷六

武備
附關隘 兵事

卷七

祀典
附廟祠

卷八

風俗
附氣候
祥異 物產

卷九

秩官 附宦蹟

卷十

選舉 附例選 掾考 封贈 鄉飲

卷十一

人物 耆壽

卷十二

列女

卷十三

萍鄉縣志 **目錄**

寓賢 附塋墓

卷十四

釋道 附寺觀

卷十五

藝文

卷十六

藝文 雜記

縣境圖

萍鄉縣志

百一十里界宜文里北

界縣宜文里十九里界分里集

界縣宜文里十九里界分里集



里十九里界分里集

界縣宜文里十九里界分里集

界縣陽湖南湖文

里十七增疏至北西



萍鄉縣志

圖

二

天排五鳳地擘雙流楚南
 畫壤交醴界攸纂纂十鄉
 民恬士勵千有億年萍馨
 弗替 太平黃濬題




甲十六歲歲時王用

界縣及南湖交里十一

縣城圖

萍鄉縣志

圖





五隅七街兩池四井恢自
 有明基由寶鼎禹門是闢
 文教聿昌衣冠所萃表我
 萍鄉 壺舟黃濬題



萍鄉縣志卷一

輿地志

袁西門戶古曰萍鄉斗廳四度壤接三湘圖版所隸沿革靡常十甲編戶百里分疆攬其形勝慎乃職防有官斯土稽覈宜詳輯輿地

沿革

萍鄉古禹貢揚州域春秋戰國時爲楚地

秦并天下置三十六郡此爲九江郡地

漢高帝析九江爲淮南國後析淮南置豫章郡領縣十八宜春

萍鄉縣志

卷一

輿地

其一此爲宜春西境武帝元光六年分封長沙王子成立宜春侯國元鼎五年國除仍屬豫章郡東漢因之

三國吳孫皓寶鼎二年分豫章置安成郡析宜春增置萍鄉縣並置新喻俱屬安成縣有萍鄉始此萍鄉以楚昭王得萍實名一名楚萍又名昭萍

晉武帝平吳屬郡如故又增平都永新安福廣興而改宜春爲宜陽郡凡七縣並隸荊州惠帝時分安成郡隸江州宋齊梁陳皆因之

南朝宋順帝時以縣大小定封爵之差安成太守領縣七其六

曰萍鄉侯齊高帝建元元年降萍鄉縣侯為伯以繼何無忌後

按晉書何無忌以安帝義熙二年封安成郡開國公子邑嗣萍鄉即當年食邑也

隋文帝開皇九年土人文盛以安成叛十一年廢郡於宜春縣

置袁州袁州以州北袁山得名而山又以煬帝大業初改袁

州為宜春郡領宜春萍鄉及新喻三縣後為林士宏蕭銑相

繼竊據銑敗張善安據以降

唐高祖武德五年改宜春郡復為袁州領縣如故太宗貞觀元

年分天下為十道袁隸江南道元宗開元二十一年置十五

萍鄉縣志 卷一 輿地 二

採訪使袁隸江南西道天寶元年改袁州為宜春郡肅宗乾

元二年復為袁州歷隋至唐萍鄉皆為上縣

五代時偽吳楊氏竊據後晉高祖天福二年李昇篡吳為南唐

宋太祖開寶八年命曹彬下江南得州十九袁居其一是年以筠州之

萬載縣太宗雍熙元年析宜春東鄉增置分宜縣淳化二年

割新喻屬臨江軍萍鄉與宜春分宜萬載仍屬袁州以上參舊志

元世祖至元十三年袁州立安撫司十四年改為總管府仍領

宜春等四縣先隸湖南行省十九年撥屬江西等處行省定

為上路成宗元貞元年升萍鄉為中州仍隸本路錄事司舊

為宜春縣所領自十三年收附之初設在城兵馬司十四年

改錄事司領在城民事元一統志順帝至正十二年斬黃寇起徐

壽輝偽將歐祥一作普祥率眾據之二十二年春明兵平江西祥

遣子納款臣附舊志二十四年七月以袁州路為袁州府除錄

事司府志

明太祖洪武二年改州仍為縣隸江西布政司道曰湖西道府志

國朝順治二年九月內附制如明舊舊志編戶一百三十里通志十六

年裁草市司巡檢補輯康熙二年裁分巡湖西道六年裁分守

湖西道十四年復設二十一年復裁雍正九年以驛鹽道兼

萍鄉縣志

卷一

輿地

三

分巡瑞袁臨三府府志乾隆八年改大安司巡檢駐蘆溪市補輯

四十四年改鹽法道兼分巡袁州四縣仍屬之前志

星野

袁州禹貢揚州之域星紀斗分清類天文分野之書

袁州天文斗分野明一統志

袁州俱斗四度江西志論

疆域

東西一百五十里南北一百五十一里

陸路東至分界鋪界九十里自界至宜春縣五十里 西至插

嶺關界六十里自界至湖南醴陵縣三十里 南至馬跡嶺
界六十里自界至吉安府蓮花廳九十里 北至東峯界九
十里自界至湖南瀏陽縣七十里 東南至馬碗石界一百
一十里自界至吉安府安福縣一百八十里 西南至雙塘
界一百一十里自界至湖南攸縣一百六十里 東北至雙
星橋界一百一十里自界至宜春縣一百四十里 西北至
踏塘界七十里自界至湖南醴陵縣九十里 由縣一百四
十里達於府六百四十里達於省四千五百里達於畿
水路東自蘆溪市至楊邨界五十里自界至宜春縣七十里

萍鄉縣志

卷一

輿地

四

西自縣東門外至牛丫洪界九十里自界至醴陵縣六十里
形勝

風土爽塏山川特秀

唐杜氏通典

山水淑清 羅霄楊岐秀氣所挺

宋劉清之萍鄉學記

山水明秀拱揖環抱

明簡迪重修萍鄉學記

當滇南楚蜀之衝

明袁一唯湘東營房記

北祖楊岐之脈鳳翼飛翔南賓塔嶺之朝筆峯卓立左肩羅嶽
右臂徐仙川澄玉鑑洲擁金鼇絕其名景十曰楚王臺鳳凰
池楊岐水萍實橋金鼇洲文筆塔明山峯羅霄山橫龍泉浴

丹井參舊志

鄉里舊七鄉今十鄉

城內外分五隅東南隅一圖西隅二圖北隅二圖 共五圖

近城四面為觀化鄉 東北清江里三圖南仙桂里二圖西崇

賢里二圖西南永平里五圖 共十二圖不編保

東為新康鄉桂華鄉分正東新安里七圖又東康樂里三圖 共十

保十圖

又正東為廷宣鄉桂華鄉分東廷訓里四圖又東宣風里五圖 共

八保九圖

萍鄉縣志

卷一

輿地

五

東偏左為名惠鄉永寧鄉分正東名教里三圖偏東惠津里三圖

共六保六圖

東偏右為大安鄉永寧鄉分本大安里改大安鄉故無里 共十四

保十五圖

南為長豐鄉永寧鄉分本長豐里改長豐鄉故無里 共八保八圖

西為欽風鄉 正西玉山里一圖又西昇平里一圖偏西金源

里二圖又偏西唐昌里二圖 共六圖不編保

西北為歸聖鄉 偏西仙居里三圖正西懷信里二圖又西大

寧里三圖又西平樂里一圖 共九圖不編保

北爲遵化鄉一名淳化鄉正北清教里二圖又北積善里二圖又北

宣化里四圖東北東鄉里三圖 共十一圖不編保

偏北爲安樂鄉 北同唐里三圖又北萍實里五圖西北長平里四圖近西金山里尾圖 共三保十二圖

以上共十鄉二十六里四十九保一百有四圖外客圖八民圖內有三圖不輪充保正其十鄉次序則曰觀遵歸安新廷大長名欽

萍邑本籍圖甲各始於其祖宗而子孫世承之每圖設有義祠十甲之人歲一合祀其先并以稽其出入杜其僞冒故入

圖者頗難又別有客圖以處外來者日久弊生移入本籍於是客民之黠者以類相引冒姓占居土著因而攻之嘉慶十三年十鄉保正合詞禁止立有公約呈官存案俾後來者不得濫入本籍誠杜訟之一端而遠爲千百年安土計也

萍鄉縣志卷二

山水志

楊岐之山羅霄之水循條溯源厥有網紀淵斗巖雷石星泉

醴洞極幽深潭尤清泚橋渡孔修陂塘就理境壤靈奇畢萃

於是輯山水

山

武功山

在縣東大安鄉距城一百二十里即安成記所云羅霄洞之嶺也跨吉袁二郡晉葛洪修煉於此因名葛仙峯陳武帝時歐陽頠由長沙出軍開道赴義望峯遙禱夢仙者告曰公興師助順當為先驅頠以報帝曰此武功之讖也遂進兵下鄱陽入金陵平侯景受梁禪即帝位祀焉更名武功高踰三十里中夜登壘可觀日出頂多風舊有銅瓦殿今則

萍鄉縣志

卷二

山水

一

砌石為之山之前屬安福後屬萍鄉今錄其山後之最勝者以備考

山

距官岡五里

白鶴峯

白鶴真人沖舉於此

石筍峯

在羅霄洞之側甚奇而秀

聚雲峯

雲

雷巖

在仙壇後其向處巖石峻削表延數十里

寒

如曠如

高峯

西北抵宜春萍鄉二邑巖迤險絕

雷巖

在仙壇後其向處巖石峻削表延數十里

寒

如曠如

高峯

西北抵宜春萍鄉二邑巖迤險絕

雷巖

在仙壇後其向處巖石峻削表延數十里

羅霄山

在大安鄉距城一百二十里一作羅霄峯據嘉定志今俗別作盧蕭山云以二姓得名乃訛傳也下有洛丹井傳為葛仙浴丹池與山俱為邑名景王孚安成記云萍鄉羅霄山傍出石乳天旱吏人祀之因以大木長三四丈投井即雨水懸湫井溢木出而雨止蓋潛龍之穴宅以陽居陰精神上通故明之立感若蜀都賦所謂應鳴鼓而興雨者也

崖中老松巨石盤踞數里

剪刀峽

在雷巖頂後

州字屋

在雷巖中石山屏立日出雲歛見石上有州字

羅霄山

在大安鄉距城一百二十里一作羅霄峯據嘉定志今俗別作盧蕭山云以二姓得名乃訛傳也下有洛丹井傳為葛仙浴丹池與山俱為邑名景王孚安成記云萍鄉羅霄山傍出石乳天旱吏人祀之因以大木長三四丈投井即雨水懸湫井溢木出而雨止蓋潛龍之穴宅以陽居陰精神上通故明之立感若蜀都賦所謂應鳴鼓而興雨者也

按武功羅霄本為一山因岡巒起伏合中有分故一山而二名如以名異而歧其山則泥矣明武功山志云山因陳武帝得名事屬可信其他多憑臆見微論武公武侯附會無稽即云盧蕭者既謂盧蕭二道人結廬峯頂而又謂盧蕭二水出其山然則蕭水何存徒令考古者反覆求合於萍川之水而不可得耳通志沿其訛遂至盧蕭瀘瀘互書乃轉咎羅霄之訛傳不知羅霄之稱較之盧蕭為已古據淵鑑類函及考古錄諸書所引王孚安成記載萍鄉羅霄山并皆言羅霄無所謂盧蕭瀘瀘之名王孚劉宋時人且居本郡豈不知郡有瀘瀘二水其祇稱羅霄者實以當時未有瀘瀘之別名祇有羅霄一名也考宋嘉定志載武功山云羅霄洞之橫載羅霄山云今俗別作盧蕭乃訛傳其於洞井等處皆云羅霄不稱盧蕭瀘瀘稽諸府志舊志亦然即有明以前之紀載亦無不然惟山志載宋趙儀可武功記有武氏夫婦及盧蕭瀘瀘之說考本文元社既星等語則儀可亦係明人而山志誤作宋人奉為權輿遂使羅霄武功別為二山而盧蕭瀘瀘之訛流傳至今因辨正之

萍鄉縣志

卷二

山水

二

大廣山

在大安鄉距城一百里山勢修遠

萬松山

在新安里距城一百二十里山徑廣遠多產異卉

茶畚山

在新安里距城一百一十里山勢崔巍林壑尤美

雲蓋山

在新安里距城一百一十里雲氣氤氳朝暮不散

明月山

在新安里距城一百里一峯圓雋望如滿月

九嶷山

在宜風里距城七十里晉三真人得道之所煉丹井竈猶存遺跡山創二嶺如鶴飛翔名仙鶴嶺

鍾源山

在名教里距城五十里

椅梧山

在名教里距城五十里

毛仙山

在清江里距城二十三里方輿記云昔有過此者遇一女過體生毛自稱毛姓言詞聰慧異常後不復見宋紹

照時朱子嘗宿此詢及之驛吏告云此狐魅也

玉皇山 在縣南長豐鄉距城八十里層崖峭壁茂樹清泉最稱勝境

斗湖山 在長豐鄉距城六十里高巖陡峭斷谷幽深

五霧山 在長豐鄉距城五十里山頂若孟中有一洞極幽深天將雨靄霧出五色迷離

鳳凰山 在長豐鄉距城六十里峯巒疊出如排鳳翼

界下山 在長豐鄉距城六十里山勢高曠亦萍鄉蓮花廳交界地也

秀林山 在長豐鄉距城四十里林木千章鬱然深秀

天滋山 在長豐鄉距城四十里尖峯聳插杳入雲際

上埠山 在長豐鄉距城四十五里層巒聳翠望之晴烟一片

萍鄉縣志

卷二

山水

三

石羊山 在仙桂里距城五里山上多石其形如羊

徐仙山 在縣西崇賢里距城三里兩山對峙唐徐仙翁嘗修煉於此山有與教寺下有徐仙亭

橫龍山 詳寺觀

青山 在崇賢里距城十里

排衙山 在崇賢里距城十里

曹家山 在玉山里距城二十五里

太孱山 在玉山里距城四十里山勢修遠為萍西鎮鑰山背即醴陵界

大金山 在樓信里距城六里

石姥山 在大寧里距城五十里有石屹立如人

馬腦山 在唐昌里距城七十

五金山 在唐昌里距城七十里五峯相連皆西向受庚辛之氣

鐘鼓山 在唐昌里距城八十里兩峯對列如鐘鼓狀

五峯山 在金源里距城四十五里五峯斜連秀出雲霄宋密老禪師修持於此

楊岐山 在縣北宣化里距城六十里高出衆山 **萬仞峯** 在楊岐山側高峯衝列陡峭崎嶇望之如參天半

龍峯 在楊岐山側盤旋 **觀音巖** **措大巖** **偃松臺** 蒼翠幽奇千態

狀萬

均江山 在宣化里距城七十里

瑤金山 在同唐里距城八十里蒼翠幽秀綿亘十里唐普濟大師道場也

萍鄉縣志

卷二

山水

四

石寺山 在同唐里距城八十里一名龍洞山山有石洞門戶鐘鼓宛然又有羅漢像石乳滴成洞中清泉湧出蔭田甚

廣山爲元羽士黎洞天修煉之所乾隆五十七年職員黎庶安建塔其上

漱玉山 在長平里距城四十里山環水繞景極幽曠職員周世謙建塔其上名環峯塔

雞冠山 在萍實里距城六十五里山戴石狀類雞冠

楚山 在萍實里距城九十里高聳峻拔烟雲繚繞昔楚昭王會經此後人築壘其上年久圯生員歐陽真偕族人重築

浴室山 在萍實里距城五十五里下有浴池

南源山 在萍實里距城五十里山出清泉四時不竭上有石屹立如羅漢名羅漢崖

五鳳山 在縣治後五岡軒起勢如飛鳳展翼

黃沙嶺 在縣東大安鄉距城九十里其嶺峻拔

熊嶺

在大安鄉距城九十里嶺勢雄峻衙前列狀若老熊

上西嶺

在新安里距城一百里一名天仙嶺疎林澹靄中有巨石屹立如人

大佛嶺

在新安里距城八十里圓頂盤旋如脚踏狀下有蓮臺山形如蓮座

龍頭嶺

在康樂里距城五十里

銀鳳嶺

在廷宣鄉距城五十里

金雞嶺

在廷訓里距城七十里

聖岡嶺

在名教里距城五十里衆山迤邐望之蒼翠晉甘卓領兵築壘其上居民建聖岡廟祀之

亂石嶺

在清江里距城二十五里衆山輻輳亂石參差有分水均共水一注盧溪一注縣城

迎鳳嶺

在縣南里許以縣治後山勢若飛鳳而此山與之相迎因名朱乾道時知縣事趙公康建塔其上高七丈許明

萍鄉縣志

卷二

五

嘉靖時知縣梁用迹增建其二於旁三塔相連形如筆架俗呼筆架山爲邑名景之一國朝乾隆二十六年知縣張枚

拆左右二塔修中一塔山頂舊有四望亭仰山壇今圯

高準嶺

在長豐鄉距城五十里嶺勢高險下臨絕壑

馬跡嶺

在長豐鄉距城七十里石上馬跡宛然

豸跡嶺

在長豐鄉距城三十里嶺勢高聳石上有豸跡

袁樹嶺

在長豐鄉距城四十五里

烏鴉嶺

在縣西崇賢里距城七里上有雙石如烏鴉相逐故名中有福歸亭

烏岡嶺

在仙居里距城三十里兩山對立林木陰翳

上硃嶺

在仙居里距城六十里有石堅赤如硃治者取以鍛鐵

嚴壺嶺

在唐昌里距城九十里
綿延盤亘徑數十里

牛頭嶺

在永平里距城七十里
峭嶽嶽里人建亭山半

蛇嶺

在金源里距城五十里
盤旋如長蛇狀故名

長鶴嶺

在金源里距城八十里

臣波嶺

在縣北宣化里距城七十里

白鶴嶺

在宣化里距城五十里

案山嶺

在萍實里距城五十里
兩峰高聳左右並峙中平如案

雞鳴嶺

在清教里距城二十里
嶺勢夷曠

後埠嶺

在清教里距城三里

萍鄉縣志

卷二

山水

六

玉女峯

在縣東名教里距城五十五里
一作玉女墩安成記作玉女岡在萍鄉西津南五里
蓋指故城而言即輿地志

所云蘆溪鎮之玉女峯也峯南一臺高三丈廣八尺名玉女臺
天將雨輒先湧五色雲氣於石開俗謂玉女披衣段成式

詩不願石郎戴笠難甘
玉女披衣言多雨也

三尖峯

在名教里距城六十里

雞子峯

在縣南仙桂里距城十二里
山頂圓秀昂然特立

老人峯

在縣西永平里距城八十里
居其下者多壽

明山峯

在縣北清教里距城二十五里
特立登其十四遠皆見為邑名景之一

山口巖

在縣東名教里距城五十里
巖當山口蘆水出其中

帝鐘巖

在縣北東鄉里距城五十里
地名石觀高深各四丈內有片石側植長三尺以小石投中之其聲如鐘

禪師臺

詳寺觀

小天臺

在縣南長豐鄉距城五十里秀峯遠谷頗有天臺之勝

石花臺

在縣西永平里距城二十里臺高壁立有徑可通石文如花

白馬嗟

在縣西大寧里山形似馬

小南嶽

在縣西永平里距城八十里山勢嶙峋上插雲表每秋月登眺霞彩萬狀滿湘廬身悉在目中

石

星子石

在縣東清江里圓滿如星光可照人

鐘鼓石

在名教里兩石對立如覆鐘懸鼓

羅漢影石

在大安鄉白鷺坑口晉元符二年六月二十二日山有聲若雷震里民驚視巨石中裂其一屹立其一墜

萍鄉縣志

卷二

山水

七

田開各有羅漢之像如一體而分

金星石

在大安鄉石空如室中有金光如星

屏風石

在新安里石如屏風廣十數丈

仙人石

在縣南長豐鄉石上有跡俗傳仙人坐處

胡椅石

在長豐鄉

金魚石

在縣西玉山里距城五十里狀如躍鯉金光微露

五白石

在永平里嶺列五石色白如玉

仙橋石

在永平里一名仙人橋

雞冠石

在仙居里高十餘丈參差陸離狀如雞冠

禪石 在縣北宣化里廣十數丈中
虛如龕昔有禪僧坐化於此

懸鐘石 在萍實里
狀如懸鐘

九房石 在楊岐山

五色石 在楊岐山

仙棋石 在楊岐山

洞

羅霄洞 在縣東大安鄉羅香山四
時霧雨沾灑寒氣凜冽

螺洞 在縣南長豐鄉距城五十里
洞臨水岸狀如青螺盤結

真如洞 在長豐鄉距城三十里有石如人
形又有石鐘石龜皆石乳結成

萍鄉縣志

卷二

山水

八

裏大洞 在長豐鄉距城三十里山圍如覆鐘兩洞相接上洞口
穿投以石良久乃抵伏流下洞口出山腹巨石如屏當其口

名枕屏石中有小溪兩洞可容千人宋建炎初避亂者歸焉
巨寇張成攻圍數日洞中

人仰射賊有死者乃退

觀音洞 在縣西十五里洞空曠平坦可入右深
十數層石門開鑿如經神工靈異萬狀

曹源洞 在玉山里距城三十里洞空曠可容千人中有石儼成
大士像一小石人伏其下如禮拜狀其深處有溪發源

自曹家山故名宋建
炎間居民避寇如此

下石陂洞 在縣北金山里距城四十里可容千人有巨石室其
門一夫守之萬人莫過宋靖康時巨盜曹成輩劫掠

鄉井里人避亂於中寇屢攻莫能入者老
道其故事輒指洞曰此兵火中樂地也

龍洞 在東鄉里距城五十里洞深入數層巨石嵌空靈異萬狀
中有清泉伏流從山下出洞口石門形如半月旱歲晴雨

應觀

焦源洞 在萍實里距城七十里洞中有石扣之鏗然有聲

龍仙洞 在萍實里距城六十五里泉源不竭遇旱祈禱輒應

龍王洞 在清教里泉自石隙中出蔭田甚廣

羅漢洞 在楊岐山

白猿洞 在楊岐山

水

楊岐水 發源楊岐山合北路諸水經縣城北折而西為萍川又合各路水至牛丫洪交醴陵界

泉江水 發源泉江至縣城東入萍川

萍鄉縣志

卷二

山水

九

西青水 發源青山鋪至龍洲入萍川

羅霄西派水 發源羅霄山至南坑合高埠嶺水至新河渡入萍川

豐樹水 發源宗閣至入風觀合汶泉水以下合各小水至桐田市入萍川

瀏江水 發源蜂子原石塘暖水沖三處以下合各小水經漱玉山環峯塔下至荷蕘橋入萍川

圓塘水 發源長坑經圓塘合諸小水下趨醴陵

上栗市水 發源楊岐山至上栗市合蕪埠橋水下趨醴陵

羅霄東派水 發源羅霄山左支合東路諸水至楊邨交宜春界右支合各小水至宜風大虹橋與左支水會

潭

市潭 在萍實橋下淵停澄澈

河潭

在縣東一百五十步深不可測

百花潭

在大安鄉羅香山下

黃龍潭

在大安鄉羅香山下深不可測

龍潭

在大安鄉武功山高峯下一在長豐鄉水色澄寒晴雨輒應

石屋潭

在新安里距城八十里上有石屋水光倒影

青龍潭

在新安里距城一百二十里其深莫測旱禱輒應

胡椅潭

在縣南觀化鄉距城十五里淵深莫測

簫仙潭

在縣西匯五溪之水相傳仙人文簫嘗休息於此

廣生潭

在湘東有石穴羣魚聚焉以里人請葉捕魚故名

萍鄉縣志

卷二

王母潭

在唐昌里距城八十里

青潭

在永平里距城八十里四面峭壁環列水氣凜冽深不可測

龍門潭

在永平里距城八十里潭有石若囊里人呼為龍門旱禱輒應

韓許潭

在縣北清教里深二丈蕩漾澄清旁有韓許廟

交水潭

在清教里距城十里水勢聚此後流

敷潭

在秋江距城七十里盤旋若渦其深莫測相傳有龍居之早禱輒雨旁有龍王廟

烏龜灘

在廷訓里距城七十里巨石橫亘水聲衝激

泉

楓泉

在縣東二里許道旁冬不凝夏不涸旁有古楓故名

寒泉

在清江里一名冷泉溉田甚廣大旱不竭飲之能已熱疾上有亭宋潘友文所建也

温泉

在大安鄉武功山高峯下

聖岡泉

在名教里聖岡嶺下

葛溪泉

在名教里四時不竭過旱祈禱輒應

劍泉

在縣南長豐鄉澗二尺柏傳晉潘徽維敷傳康插劍取泉飲之故名

暖泉

在仙桂里燕家邨冬温如湯

靈泉

在縣西玉山里距城三十里泉注方池涵光可鑑

方井泉

在玉山里湘東下市

泉山泉

在唐昌里距城六十五里泉清冽從山頂出

萍鄉縣志

卷二

山水

十一

龍井泉

在大亭里泉出不竭蔭田甚廣

橫龍泉

詳寺觀

聰明泉

詳古蹟

龍池泉

在縣北旱禱輒雨側有龍池觀今廢

沸泉

在同唐里周圍二丈許其出如沸

卓劍泉

在萍實里迎祥觀

雨湧泉

在宣化里楊岐山下天欲雨水先湧

錫杖泉

在縣治北劉家井

陂塘

觀化鄉清江里

欽陂 許家陂 小圳陂 根竹陂 張陂
虎陷陂 李家陂 虎跡陂 張家陂 魏陂

桐車陂 斜柳塘 大新塘 黎仙桂里 五陂 魚陂
中柏樹塘 檀塘 瓦窰塘 龍家塘 永清塘 浮陂

泉陂 南塘 翟塘 蓮塘 東塘 龍家塘 高車陂 唐陂
荷蓮塘 生菜塘 殷家塘 永清塘 清水塘

羅崇賢里 桐車陂 赤土陂 承山陂 沈家山塘 唐陂
新陂 浮塘 廖家山塘 高車陂 唐陂

莊塘 大林塘 山塘 觀塘 中塘 龍塘 石陂塘
黃泥塘 長沙塘 陶家塘 新塘 菱

蘆毛塘 江塘 上株樹塘 下株樹塘 塘充塘 叢樹塘
茅塘 龍家山塘 魚家塘 藍塘 大塘

木連塘 泉塘 觀泉陂 後陂 自家陂 石耳陂
桐車陂 龍家山塘 魚家塘 藍塘 大塘

丁注 永平里 西源陂 彭家陂 灣江陂 曲陂 石陂
桐車陂 觀泉陂 後陂 自家陂 石耳陂

油梓陂 大陂 泉塘 新塘 丫塘 斜
鯉魚塘 書當塘 早和塘 烏陂 烏石陂

遵化鄉清教里

水升陂 林邨陂 中陂 烏陂 烏石陂
秋陂 白煥陂 精佃陂 何家陂 大連陂

萍鄉縣志 卷二

山水

三

高陂 敷陂 茂陂 祝家陂 白鴛陂 龍王陂 中
店陂 水口陂 新陂 龍洞陂 長春陂 王家

石陂 連陂 黃花陂 茶盤陂 柳樹陂 中段陂
精佃陂 篾田陂 趙家陂 祝家陂 桐車

李株塘 沙石塘 安塘凡二 黎馬塘 羊欄塘
獨塘 伯婆塘 雙塘 盧家塘 黃家

東塘 三丫塘 下沖塘 行路塘 柳樹塘
柏樹塘 白水塘 粉畫塘 許家塘 柳樹塘

玉南塘 田心塘 坵坑塘 英家塘 沒積善里 元當
楊梅塘 長塘 白竹塘 荷蓮塘 屋場陂 當陂

橫陂 韶陂 逢陂 椿橋陂 屋場陂 當陂
猿家陂 袁性塘 烟塘 尋牛塘 赤水塘

榮家塘 新江塘 白羊塘 田塘 燕塘 株宣化里 唐
栗樹塘 同田塘 鐵爐塘 分水塘 易家陂 河後

石虎陂 小視陂 混江陂 黃家陂 隆沙陂 小陂
沙陂 冷陂 李家陂 隆沙陂 小陂

石頭陂 唐家陂 成陂 短陂 凡二 上涉陂
大陂 凡二 山嶺陂 何家陂 扶塘陂 樺樹

古樓陂 彭家陂 車江陂 鐵盤陂 蛇王陂 油
 匠陂 樓下陂 湯一陂 龍潭陂 新陂 山陂 向後
 陂 廖家陂 荷田陂 龍溪陂 雙丫塘 長山塘 東
 沖塘 荷蓮塘 破塘 泉塘 易家塘 沙坑塘 旱塘
 高塘 鬼塘 西坑塘 烟原塘 堰 東鄉里 芋陂 袁
 塘 穀塘 盛塘 大塘 辛塘 扶塘 東鄉里 藪陂
 錫陂 桂陂 黎陂 袁陂 南陂 泉陂 蕪家陂
 拔陂 何家陂 許家陂 皂角陂 眞陂 谷子陂 松
 陂 白陂 彭公陂 木陂 官陂 眞陂 谷子陂 松
 葉塘 北塘 山塘 南充塘 大塘 官家塘 城塘 荷
 株子塘 沿塘 暮充塘 小塘 思塘 楊公塘 午
 欄塘 賀家塘 長烏塘 白竹塘 長馬塘 黃江塘
 歸聖鄉仙居里 五輪陂 朱田陂 蔗樹陂 五家陂 橫陂
 黃塘 荷蓮塘 蕭馬塘 新坊塘 藍塘 嚴塘 蕭家
 塘 伍乳塘 石塘 華塘 新塘 皂角塘 嚴塘 蕭家
 蓮塘 黃鴨塘 懷信里 皂角陂 桐車陂 桐車上陂
 舊塘 伍家塘 桐車下陂 烏陂 路石塘 楊

萍鄉縣志 卷二 山水 三

梅塘 大山塘 崔家塘 南 大寧里 余家陂 大陂 神
 泉塘 游塘 苗塘 新塘 仙陂 烏陂 大塘
 黃泥塘 楊塘 大沖塘 華塘 平樂里 桐車上陂 桐車下
 橫塘 譚家塘 袁塘 華塘 平樂里 桐車上陂 桐車下
 映塘 大塘 大沖 陂 大陂 梅花陂
 塘 源塘 流池塘

安樂鄉同唐里

荷陂 樓陂 易家陂 灑灘陂 一作嚴灘陂
 泉蕩陂 小朱陂 公溪陂 一作公溪水圳
 水圳陂 楊陂 泉塘陂 小水陂 萍實里 敷陂 劫
 清水塘 店塘 冷水塘 原菜蔭塘 萍實里 敷陂 劫
 芒陂 張家陂 潘陂 小潘陂 蔡陂 潤陂 造
 石陂 花石陂 沿陂 押陂 劉源陂 黃土陂 風古
 波 一作古陂 豆陂 龍陂 禾陂 均陂 立陂 天陂
 深塘 嚴沖塘 秦家塘 清水塘 東塘 蔡家塘
 譚塘 張堰塘 長平里 湖陂 小圳陂 凡三 新陂 成
 麗坑塘 蝦蟇塘 長平里 湖陂 中沙陂 下沙陂 湯隆陂
 雲田陂 鐵爐陂 長規陂 自陂 乙陂 籠陂 落
 溝陂 胡大陂 已陂 三山陂 槐陂 旱塘 惠塘

新安鄉新安里

侯塘 中塘一名黎塘 踏塘 路塘 金山里 桐坡 蔡坡 蔡坡 大塘 赤坡 石坡 泥坡 興水坡 水坡 小坡 馮坡 興坡 泥源坡 梅坡 沙坡 泥

枯康樂里 馬坡 早禾坡 成田坡 連坡 潭頭坡 下羅 社田坡 成田坡 五公坡 洞窟坡 袁家坡

官陂 楊木凍陂 黃土陂 沙石塘 株塘 社塘 大塘 煥家 堰塘凡五 容塘 烟竹塘 隆塘 益塘 黃

塘坑塘 荷蓮塘 夏家塘 承蔭塘 美塘 泉塘 伯塘 落塘 長塘 夏家塘 承蔭塘 美塘 泉塘

上泉塘 中泉塘 下泉塘 冷塘 豐藍陂 五家陂 赤陂 烏石塘 路行塘 鍾家陂 蕪陂 淨江陂 荷林陂一

廷宣鄉廷訓里

作荷林塘 小陂 堰陂凡六 車陂 小社陂 長龍陂 龍陂 早禾陂 大石陂 尺土陂 返蓮塘 路行塘 迎頭塘 大塘凡二 趙家塘 紫泥塘 旱塘 歐家塘 石塘 南塘 多塘 郭公塘 下郭塘 長

萍鄉縣志 卷二

山水

古

塘草塘 堰塘凡二 黃秋 宣風里 龍陂 桐車陂 山泉陂 新羊陂 泉陂 金竹陂 後羅陂 烏陂 大段陂 塘

陂安家陂 甘家陂 易家陂 荆紫陂 一作荆柴陂 泉石陂 新陂 小凍陂 馬欄陂 中陂 泉陂 中段

陂背家陂 蠶塘 長塘 株木塘 何塘 黃泥塘 西灣塘 上樂沖塘 戴思塘 白樂沖塘 橫山大塘一

作橫山塘 右塘一作石塘 李家塘 查林塘 北塘 菱塘 荷蓮

塘三長塘

大安鄉

地近羅霄山藉其水

長豐鄉

玖陂 南木陂 高枳陂 盧陂 下高陂 皂陂 小陂凡二 大陂 黃土陂 巴陂 平都陂 小須 新陂 圭陂 黎陂 安城陂 米陂 小水陂 小 土陂 石陂 錢陂 桐車陂 凍陂 瞿陂 一作瞿塘陂 鐘成陂 上黃土陂 下黃土陂 上高枳陂 下高枳 陂南陂 泥陂 已陂 盧塘 夏家塘 彭家塘 下高枳 陂

吼塘 泉塘 大坑
塘 木塘 大和塘

名惠鄉名教里

鄭公陂 詳古蹟 清江流陂 小山濤陂 珣
陂 洋陂 雙板陂 小圳陂 凡二 沙陂

楊柳陂 楊家陂 蔡陂 石陂 瓦倉陂 大龍陂 張
家陂 黃竹陂 豐陂 小陂 小山陂 孫泮陂 大小

陂 大成陂 山塘 新江塘 一名江塘 北塘 梅源塘
秋干塘 菱塘 谷樹塘 瞿原塘 淡塘 路行塘

長塘 楠塘 思塘 姚 惠津里 小水口陂 石陂 參陂
家塘 石竹塘 菱塘 小陂 柏葉塘 新陂 一作新官陂 高

陂 溫家陂 錫陂 荷塘 姚家塘

欽風鄉玉山里

荆碑陂 一作荆板陂 林郁陂 雨田陂 省
家陂 油榨陂 汪家塘 大冲塘 泉塘

蘇石塘 奕 昇平里 石陂 坡田陂 胡竹塘 荷蓮 金源
分塘 石塘 塘 江西塘 拘水塘 何林塘

里 房陂 小江陂 凡二 小陂 小段 唐昌里 胡家車陂
陂 雙車陂 何車陂 社山陂 干陂 顏家

萍鄉縣志

卷二

山水

五

陂 桐車陂 泗塘 橫塘 圓塘 門塘 烏塘
一作烏陂塘 上蘆塘 下蘆塘 黃塘 大坑塘

橋

附

亨泰橋

在縣東門外舊名館埠橋古名阜渡宋宣和間知縣事
鄭強建木橋元毀明知縣寶時用建石橋圮萬應所知

縣常自新修知縣陸世勛重修圮 國朝乾隆三十年職員
宋茂聖重建圮四十九年知縣胥繩武率監生胡慶蘭等重

建改今名道光二年石欄
圮知縣甘恪任率邑人修

萍實橋

在縣南門外本楚昭王渡江故事而名吳寶鼎時邑人
李燾建元毀明洪武六年知縣李順英重建為邑名景

之一天順間圮知縣王璣建宏治間圮知縣何孔時建萬應
戊子水災癸巳知縣陸世勛捐資倡建崇禎壬午圮城南譚

姓捐資重建圮 國朝乾隆二十一年知縣沈廷標奉附貢
葉應祥等重建三十年葉應祥建石欄百柱三十六年圮職

員文集聖等重建四十九年生
員李振桂等建石欄八十九柱

香溪橋

在縣小西門外一作蕪湖初為義安渡宋崇寧時建橋名仙桂橋開禧間縣尉趙彥觀改建石橋更名香溪當時謠語有金鬻洲撐香溪橋玉帶不離朝之說元毀明萬曆二十四年知縣陸世勳重建圮 國朝乾隆二十二年附貢葉應祥等重建圮三十六年職員黎宏烈

改建石橋嘉慶二十五年黎姓增建石欄

通濟橋

在縣北門外古為舟渡宋紹興時知縣事郭濤始建石橋圮明成化間邑人李仲本等重修圮 國朝康熙二

十五年姚榮我黃茂椿等重建嘉慶四年姚大受與黃茂椿合族修

流江橋

在縣東三里明萬曆四十七年邑人漆東江子孫建 國朝康熙三十三年漆姓修乾隆三十六年漆姓重修

惠陂橋

在清江里宋景祐開邑人劉可受建 國朝乾隆二十四年職員王棟陞修

龍潭橋

在清江里明正德七年邑人文世安建 國朝乾隆四十年增生郭景琰職員唐飛龍等修

福勝橋

在清江里晉永嘉元年建元毀

萍鄉縣志

卷二

山水

夫

韓瓊橋

在清江里舊名寒泉橋乾隆三十五年監生胡慶簡修改今名

溫江橋

在名教里舊名妙濟橋宋建元毀明崇禎時生員吳廷徽重建圮 國朝乾隆十八年巡檢魏厚安率里人建

改今名

古宗濂橋

在蘆溪明洪武開知縣李順英建萬曆六年知縣常自新修二十二年知縣陸世勳重修圮 國朝乾隆

四年紳士許國鴻等重建三十六年圮里人公建四十九年圮里人重建木橋名古宗濂橋蒲州同知蕭維文捐田一千

把為歲修之費

宗濂橋

距古橋百餘步乾隆十九年巡檢魏厚安率里人建三十六年圮改建木橋四十九年圮里人重建商民斂資

合蕭維文所捐古宗濂橋田為一以備歲修兩橋之需

必東橋

在名教里宋建元毀明崇禎時生員吳廷徵修圮 國朝乾隆十八年巡檢魏厚安率里人重建四十九年里

人公

慶豐橋

在名教里一名土橋東陽吳姓修明萬曆二十三年邑人甘巨珣改建石橋圮 國朝乾隆十二年副貢易嗣

臨重

大虹橋

在宣風宋建炎開邑人劉榮倡建元毀明洪武六年知縣李順英重建圮正德十三年知縣高桂命道人李道

傳募建石橋圮改建木橋癸巳圮知縣陸世勳重建乙未知府傅道統同知張三聘通判陳啟孫推官徐之孟知縣陸世勳復捐建石橋圮 國朝乾隆十六年副貢易嗣臨重建移里許改名思永橋里人仍稱虹橋嘉慶十三年水圮一角里人公

修人公

桐邨橋

在宣風里明萬曆癸巳知縣陸世勳重修 國朝乾隆十四年副貢易嗣臨重建改名永年橋

惠人橋

在漢溪明萬曆九年邑人劉正八建

萍鄉縣志

卷二 山水

老

康靈橋

在三江口初建木橋圮乾隆三十五年鄒遇章改建石橋五十年圮子峻重修

永年橋

在何家洲淨江陂下嘉慶十四年新溪寺僧德首建

聯珠橋

在大安鄉道光二年里人倡建

永鎮橋

在縣南仙柱里雍正時宋德明倡建圮乾隆二十九年子良俊重建四十九年水壞孫恩貢建歲貢謝修道光三年會孫例貢

大樞建石欄

烏龍橋

在沙園潭宋淳熙開建元毀明洪武二年知縣趙彝重建圮崇禎間邑人黎光照等募建石橋後圮 國朝雍正十三年監生宋祖昌等重建圮

乾隆四十六年職員宋瀾等倡建

仁興橋

在長豐鄉嘉慶十一年職員潘基等募建

永濟橋

在縣西崇賢里乾隆四十三年里人公建

壠橋

在崇賢里舊名龍橋明嘉靖九年邑人周爵榮重建國朝乾隆三十一年里人公修改名

龍安橋

在崇賢里唐貞觀開邑人簡易等建構屋其上以便往來休息圯明萬曆時漆東江子孫重建國朝乾隆四十九年

漆姓修

望山橋

在崇賢里明正德十年邑人周文貴捐資砌石國朝乾隆四十九年漆東江子孫修

善洲橋

在崇賢里初為善洲渡康熙二十七年監生葉之芬建橋乾隆十七年黔撫定某賜知縣沈廷標增建圯五十

年里人倡建

麻山橋

在永平里初為麻山渡康熙時建橋乾隆十年紳士文世松等修

崇善橋

在麻山汶泉嘉慶九年公建

楊子江橋

在橫江乾隆二十三年文茂選捐修三十六年圯孫有涵借族光熾等倡建

萍鄉縣志

卷二

山水

六

靈田橋

在昇平里乾隆二十二年廩貢陳繼唐建

水尾橋

在昇平里康熙五十四年縣西陳彭氏修圯乾隆四十四年廩貢陳繼唐建圯四十五年監生陳大新重建

永壽橋

在唐昌里舊名草市橋宋淳熙開鄭叔敬建明洪武七年巡檢汪元泰修圯國朝乾隆十一年湯鼎先等重建

建圯三十一年邑紳周之燧賈岐陽等重建四十九年圯賈子孫倡建改名

永年橋

在唐昌里乾隆五十一年邑紳鄧錫福同弟錫裕倡修

石橋

在縣北門外一在縣北二十里冷水廟街宋景祐間教授羅山泉建

交水橋

在清教里舊名交樹橋明宏治十四年邑人文洪黎勝建圯國朝乾隆三十八年謝上雋等重建四十五年

姚寧謙等修改今名

敷田橋

在清教里嘉慶元年里人公修

廣濟橋

在清教里乾隆元年歲貢喻銘鼎等建

福壽橋

在長平里明崇禎十一年高蘭劉邦薦建國朝嘉慶十二年裔孫監生學優遠辰修

更新橋

在長平里舊名新橋乾隆二十一年鄉賓葉志韜建改今名

流謙橋

在東鄉里乾隆四十八年封員劉大智等建

和雁橋

在東鄉里乾隆五十九年李子嵩妻呂氏建後增置石欄

秋江橋

在萍實里明崇禎四年邑人藍用子建國朝乾隆十五年藍國才等修

萬秀橋

在萍實里宋寶祐間邑人吳礎建元毀明永樂四年劉志才修

東至橋

在萍實里明萬曆時戴姓建國朝乾隆十四年職員黎宏烈復建橋於側

迴瀾橋

在萍實里乾隆十九年職員黎宏烈建

萍鄉縣志

卷二

山水

九

永遠橋

在萍實里乾隆四十四年縣北柳張氏建

冷溪橋

在萍實里乾隆二十一年職員黎宏烈建

諸福橋

在萍實里舊名四柱橋宋淳熙元年建元毀國朝康熙二十五年邑人歐陽永名等重建乾隆二十五年職

員黎宏烈等修四十六年里人重修改今名

廣利橋

在茅田鄉宋建炎間建元毀

彪家橋

在彪家鄉宋大中祥符間邑人彪治建明洪武三年彪林再建

上游橋

在上栗市舊名普濟橋宋寶慶元年僧普照募建國朝乾隆十七年邑人柳文郁等修二十六年例貢胡湛

重修改今名

雙溪橋

在上栗市明洪武元年建圯國朝乾隆十七年邑人胡薦升等建

栗江橋

在上栗市乾隆四十九年圯
巡檢鄭詩敏率里人重建

神台橋

在上栗市舊係磚橋屢毀乾隆五
十七年職員黎庶安倡建石橋

正新橋

在邊塘乾隆四十
六年羅玉爾建

渡

附

林家坊渡

在縣東康樂里康熙十一年邑人林邦順置船一
乾隆三十五年職員林立基增置船一於東岸

遐昌渡

在林家坊嘉慶元年邑人林李五
置船一捐田八十把雇人專守

北渚江渡

在廷訓里康熙時邑人易
三禮置船一後邑人公修

何家圳渡

在廷訓里雍正二年增貢何
之靖置船一後里人公修

永中渡

在廷訓里嘉慶十四年生員敖楹等勸捐增修船
一新溪寺僧德首捐田一百一十把雇人專守

萍鄉縣志

卷二

山水

三

甘田渡

在廷訓里乾隆二十年
增貢何之靖等置船一

西成橋渡

在廷訓里康熙時邑人易
黃訓置船一後里人公修

永濟渡

在廷訓里康熙時邑人鍾觀生等置船一乾隆
二年孔殿先等修三十五年鍾文彩等重修

永興渡

在廷訓里乾隆二年邑
人孔殿先等置船一

塘灣渡

在宣風里乾隆十二年監生劉飛鵬置
船一三十六年壞監生劉世成等置

陽邨渡

在宣風里康熙四十年邑人歐
陽盛置船一後譚郭蕭三姓修

長潭渡

在縣西崇賢里乾隆三十六年監生宋
希賢置船一四十六年左仕廷等修

新河渡

在崇賢里乾隆二十
五年里人置船一

桐田渡

在永平里乾隆八年邑人吳贊煌
等置船一三十五年周慶霞等修

雙江口渡

在仙居里乾隆二十年
生員會京才等置船一

金山灣渡

在大寧里康熙時里人置船一乾隆四十八
年里人增置船一壞五十二年里人公修

何家渡

在大寧里乾隆三年里人置船一壞十
六年里人修毀嘉慶時里中公置

湘東渡

在懷信里乾隆時里人置船二俱毀嘉慶八年里中十
六人捐置船一名心傳渡十年里中三十人增置船一

名濟
美渡

慈航渡

在湘東市三聖殿前日久寢廢
嘉慶十二年合社倡修船一

黃花渡

在玉山里舊有橋因文姓種菊橋傍故名後圯里人置
船二嘉慶開一圖置田一千六百六十把道光三年改

為義渡朱子曾宿於此有詩
吳姓於渡頭建亭額曰穩睡

荷蕘橋渡

在玉山里一名火燒橋渡置船一
乾隆十三年邑人瞿榮圖等倡修

萍鄉縣志

卷二

山水

三

姚江義渡

在縣北長平里乾隆七年萍醴居人共置船一三
十九年復修醴資置田嘉慶八年二邑居人建橋

香水渡

在萍實里楚昭王
渡江得萍實處

按舊志藝文指其處者有二宋紹興時何異楚壺引則曰北
鄉萍實里有香水渡明洪武時簡迪重建縣治記則曰縣西
有香水渡縣北有萍實里是又析里與渡而二之夫里名萍
實自古云然非得萍實處奚以名里當以何異所言北鄉者
是為

萍鄉縣志卷三

建置志

湖吳立縣因楚得名匪曰巖邑亦屢廢興

聖朝安戢賢宰措營有創於官有舉於民鴻規既畫織度畢振基
斯勿壞是在後人輯建置

城垣

萍鄉縣故城在縣東四十里晉元帝太興元年陳敏自王江東
與杜弼相應作逆晉遣鎮南將軍陶侃水陸二道來伐甘卓
領兵於縣東築壘連接五所號為卓壘

太平寰宇記

萍鄉縣志

卷三

建置

按通鑑綱目陳敏據江東陶侃討之在惠帝永興二年陳敏
之死在懷帝永嘉元年杜弼陷長沙在永嘉五年陶侃破走
杜弼在愍帝建興元年杜弼道死在建興三年又考晉書王
鑒傳時杜弼作逆江湘鑒上疏勸帝親征駕幸江州有云建
名將於安成連甘卓之壘是築壘在建興元
年征弼以前事寰宇記云太興元年當有誤

唐武德中唐芻始建縣治於今所舊無城明正德七年羣寇數
起知縣胡佩始奉檄築土城十二年知縣高桂修嘉靖三十
七年知縣楊自治修四十三年知縣蔣肯謨架木其上覆以
瓦萬曆三年知府鄭惇典修又發河潭坊城百丈檄知縣黃
臺董其役舊土城惟周西北其東南民居環匝濱河未城十
一年巡撫都御史王宗載奉旨建磚城檄本府同知陶之省

委知縣沈枝董其役工未悉成而所成者隨圯十二年都御史馬文煒檄同知陶之肖署縣事親督之遂培石基拓馬道周圍九百一十八丈五尺高一丈五尺濶九尺闢四門東曰來陽南曰達秀西曰連湘北曰通楚又闢小西門以便民往來東南加闢三小門以便汲道儒學前復闢禹門以挹風氣建木欄其上十三年知縣姚一理慮城基臨水易齧又沿江增築護城石隄延袤一百餘丈高五尺濶如之有記

國朝順治九年知縣吳興祚捐資修十一年知縣刁之裔修署縣陳常繼之康熙二年知縣臺瞻斗增葺十三年棚賊引楚逆

入寇城陷十五年 大軍蕩平城如故乾隆十年十一年大水壞過半知縣陸坪請修未果二十四年知府陳廷枚飭知縣張教勸修撤舊障重築以甃周九百四十四丈高一丈六尺濶六尺塞二小門改來陽達秀連湘通楚等名仍爲東南西北四十七年知縣胥繩武補修東徑九丈南徑十丈八尺西北徑七十丈八尺

衙署

縣署在縣城正中鳳凰池北唐武德中令長唐萇建宋建炎三年寇燬紹興七年知縣事郭濤重建江淮記元爲州治至正

十二年兵燬明洪武三年知縣趙彝重建四年李順英繼成
之簡迪記成化四年知縣黃璿增修正德間瑞賊掠縣知縣
胡佩續創譙樓儀門萬曆七年知縣常自新修中為正廳左
右為庫為幕廳北為燕堂先名中正後改用中為寶庫又北為知縣廨
即宋向滄所作莞爾堂後王謙改勞拙堂遺址後圃為楚王臺其上舊有二亭曰易春日賢樂宋淳熙間知縣事周世昌修明萬曆間知縣陸世勛修又有唯是軒喜雨堂分明樓先月登賦凌波瑞芝瑞蓮順豐諸亭前後紛更名稱迭具今皆無存為黃冊庫崇禎末俱兵燬

國朝順治十年知縣吳興祚仍舊址創建嗣知縣刁之裔余士聰
增建康熙三年知縣臺瞻斗增修雍正三年知縣王用中乾

萍鄉縣志 卷三 建置 三

隆十八年知縣沈廷標二十二年知縣張枚四十二年知縣

馬友蘭繼修四十七年知縣晉繩武增修南向為頭門上有譙樓
明正德間知縣高桂置銅鼓處門內東為土地祠西為社倉次進為儀門東

西廊為吏書房堂曰寶廉康熙間知縣孟宗舜題額東壁為獄所舊在西
熙開知縣事張爽修明萬曆間知縣陸世勛增建女監後改建今所東棚為慶堂後東西偏為

門役房次入為宅門東西牖為司開房東楹為庫房二堂曰
嘉瑞舊有知縣晉繩武題額東舍為檢書室今廢西廳為第一香軒今

名藤花書屋三堂曰愛敬舊有知縣晉繩武題額上為渡香樓東西廂
為內宅舊有荆花書屋圃後為楚王臺知縣張枚題為湖舫為小蓬

萊知縣陸文濤創為飛艦知縣周為出波亭為環山亭知縣殷忠謙

并東西畔為蓮池明宣德開知縣葛啟作瑞蓮亭處

典史署在縣堂右康熙二十年典史余震建乾隆四十八年典史鍾式金修

蘆溪司巡檢署在縣東五十里蘆溪市舊在縣東九十里新店市名大安司乾隆八年改駐今所為蘆溪司始

建署三十六年巡檢衛騰蛟修四十九年水圯巡檢陸繼五重建

安樂司巡檢署在縣北八十里上栗市乾隆四十四年巡檢鄭詩敏修

僧會司在縣治南寶積寺乾隆三十二年僧裕惠倡各寺建六和公寓於花廟前左徙駁之

道會司在縣南門外武雲觀

裁廢公署

萍鄉縣志 卷三 建置 四

布政司行署在縣小西門內明萬曆十三年知縣姚一理修二

年知縣陸世勣修 國朝順治時知縣吳興

按察司行署在縣北後改縣東百餘步明萬曆

湖西分守道署在縣治西康熙二十一年裁

湖西分巡道署在縣治東康熙二年裁

府館在縣治西明宏治開通判胡珏建今廢

縣丞署在縣署用中堂後今裁

主簿署在縣署用中堂後今裁

草市司巡檢署在縣西九十里順治十六年裁

長豐里巡檢署今廢

稅課局在縣南萍實橋右一在縣東大安里一在縣東蘆溪鎮卽周子講堂後俱廢

河泊所在縣北河潭後廢

公所

上諭亭在縣署前鳳凰池南雍正十二年知縣熊我蘇卽義學改建乾隆二十六年知縣張教修嘉慶十一年知縣周繼所

重修

申明亭在屏壁右

旌善亭在屏壁左

迎恩亭在縣東門外俗名接官亭明知縣陸世勛改今名

萍鄉縣志

卷三

建置

五

皇華公館在縣東門外乾隆二十二年市民蕭巨載等建

蘆溪公館在蘆溪市明萬厯時署縣陶之肖建簡繼芳記今佚知縣姚一理陸世勛修 國朝乾隆二十一年巡檢

魏厚安率里人公修後寢爲巡檢署地四十九年重修

湘東公館在湘東市明萬厯時知縣陸世勛建圯 國朝乾隆四十年市民劉鵬萬等重建四十六年市民彭勝才等

修

安樂鄉公館在上栗市乾隆四十九年巡檢鄭詩敏率商民建

縣試舍在城守營右乾隆五十七年合邑買民宅公建爲縣試所嘉慶二十一年合邑公修道光二年興賢堂公建兩

亭

附 昭萍學舍在郡城南門內乾隆三十六年合邑公建爲歲科試認保地

附 萍鄉會館

在京師粉坊琉璃街嘉慶十三年合邑公置為北

上者駐足地又袁州會館在東草廠七條街衙四

邑公置萍鄉居其一

有嬰堂 在五鳳山下舊在縣署右雍正六年知縣劉煒建今僅

遺屋三楹收貨錢及青林山田四十把嘉慶元年合

邑公買衙背房屋一所州同職李實光捐銀二百五十兩增

貢誦師且捐銀一百二十五兩同知蕭維文捐銀一百二十

五兩其餘樂輸姓名俱載碑記餘費質庫取息又價買房屋

一所周之燃捐東門外行屋一所職員文集聖妻陳氏捐雙

峯冲田一千六百把州同職陳有振捐白竺田一百把質顯達捐田三十把俱歲收租用

普濟院

一名養濟院舊在城隍廟側明萬曆二十二年知縣陸世勛改建東門外 國朝乾隆三十五年知縣王鑒重

建四十九年知縣胥繩武修

漏澤園

一名義塚初城東南北皆有明宏治間知縣朱華檄縣西增置 國朝嘉慶十二年舉人張培春等倡合邑置

東門外山一所道光三年知縣甘恪任置西門外甘家冲山

二所知縣黃澹置北門外添子山棉花田山二所監生羅銘

捐宣風里山一所葉世俊捐橫龍寺前山一所

裁廢公所

鳳池公館 在鳳凰池前雍正二年知縣王用中置旋廢

宣風公館

在宣風市初為驛地明萬曆間知府鄭惇典改建知縣姚一理陸世勛修後圮

插嶺公館

在插嶺關明萬曆時知縣陸世勛建後圮

惠民藥局

在縣西隅明洪武三年知縣趙彞建後圮

驛遞

萍鄉差馬四匹馬夫一名鋪兵四十三名站夫一十二名

總鋪在縣治西古名縣前鋪原以惠民藥局改建後又改爲官
店而省併官鋪於旌善亭 東十里曰十里鋪二十里曰雲
居鋪三十里曰高岡鋪四十里曰路行鋪五十里曰蘆溪鋪
六十里曰新路鋪七十里曰甘田鋪八十里曰白沙鋪九十
里交宜春界曰分界鋪 西十里曰青山鋪二十里曰烏石
鋪三十里曰湘東鋪四十里曰長春鋪五十里曰油塘鋪六
十里交醴陵界曰插嶺關

按各鋪俱經明知縣陸世勛重修後牌頭俱毀 國朝知
縣余士聰修立牌分界處鐫石爲記知縣胥繩武重修

廢驛

萍鄉縣志

卷三

建置

七

愛直驛

在分界鋪宋張孝祥過此見驛
旁有老杉愛之因名愛直有詩

湘東驛

在玉山里宋建炎時建紹興
時移黃花渡名黃花站後圯

街巷

縣署前鳳池街

上街 朝陽巷

中街 居仁巷

醉春井

興隆巷

義井巷

義井

下街 河口巷

武營巷

南門街

葉家巷

石灰巷

西門街

城隍廟巷

桂花井

北門街 昇平巷 包公井 陽家巷 大巷 小巷

東城外河街 山下井

南城外小街 無魚巷 翟家巷 武雲井 高山井

西城外小街

小西城外書院街

北城外小街

坊表

城內 明德坊 新民坊 宣化坊 澄清坊 易俗坊 冬清坊 福星坊 福慶坊 招仙坊 西城坊 清化坊

崇仁坊 皇華坊 沖霄坊 謝紳建 登科坊 黎獻建 招賢坊 叩駢建 折桂坊 宋廷謙建 龍諾重喪坊 簡昌建

萍鄉縣志

卷三

建置

八

外臺乘憲坊 簡繼芳建 進賢坊 吳瑄建 登榮坊 文炯建 賓賢坊 文勉建 登科坊 彭瑀建 進士坊 文明建 鵝

萬坊 黃敏建 凌雲坊 何瓊建 飛鳳坊 唐瓊建 以上俱圮

義井坊 登第坊 李榮建 百歲坊 彭映輝建 貞壽坊 鄒惟先妻 胡氏建 貞壽坊 何之菴妻 李氏建 貞節坊 陳德

瑩妻 彭氏建 貞節坊 鄧錫鯨妻 施氏建 貞節坊 鄧震妻 湯氏建 貞節坊 何鍾妻 陳氏建 貞節坊 顏樹經妻 李氏

建 貞節坊 林錦標妻 彭氏建

城外 貞節坊 劉殿邦妻 易氏建 貞節坊 喻奎 章妻 黃氏建 節孝坊 劉世榮妻 文氏建

東路 進士坊 吳三益建 今惟存石柱 節孝坊 李實忠妻 鄧氏 建 百歲坊 易蓉妻 李氏建 節烈坊 楊達進妻 李氏 易

文祥妻 劉氏合建 節烈坊 羅世昌妻 彭氏建 節孝坊 林育贊妻 郭氏建

南路 魁星坊 張榮建 圮 節孝 坊 宋大模妻 歐陽氏建

西路

節孝坊蕭世乾妻劉氏建

節孝坊彭世全妻劉氏建

北路

節孝坊李道涵妻施氏建
貞節坊姚熙元妻張氏建

里市

蘆溪市

在縣東名教里距城五十里水東流入秀江舟行始此商旅輻輳如縣市

宣風市

在宣風里距城七十里街三里商民四百餘家

新店市

在大安鄉距城八十里街一里商民百餘家

茅店市

在新安里距城九十里街一里商民百餘家

烏龍橋市

在縣南長豐鄉距城二十里商民四十餘家

南坑市

在長豐鄉距城三十里街半里商民四十餘家

萍鄉縣志

卷三

建置

九

桐田市

在縣西永平里距城十五里街半里商民四十餘家

麻山市

在永平里距城二十里街半里商民四十餘家

劉公廟市

在大寧里距城三十里街半里臨水通舟商民二百餘家

湘東市

在懷信里距城三十里街二里臨水通舟商民四百餘家

蠟樹下市

在仙居里距城三十里街半里商民百餘家

草市

在唐昌里距城九十里街半里地連東橋商民五十餘家

彭家橋市

在縣北積善里距城二十里街半里商民六十餘家

青溪市

在清教里距城三十五里街半里商民百餘家

赤山橋市

在宣化里距城三十五里街一里商民二百餘家

小規市

在宣化里距城五十里

均江市

在宣化里距城七十里

湖塘市

在同唐里距城八十里

上粟市

在萍實里距城八十里

桐木市

在萍實里距城一百里

萍鄉縣志卷四

賦役志

地逋衍沃民務農桑怡供力役樂效輸將勝國重賦禍始歐
祥我

朝恩霽清汰浮糧折米歸款積穀備荒淪泆曷罄紀載惟詳輯賦
役

戶口

宋大中祥符開主戶柒千伍百陸拾玖計丁口壹萬柒千柒百
叁拾伍客戶壹萬伍千壹百伍拾叁計丁口叁萬叁千肆百

萍鄉縣志 卷四

賦役

壹拾叁

舊志大中祥符開戶貳萬壹千陸百玖拾伍口叁萬玖千壹百叁拾肆與嘉定志所載不符茲依嘉定志

而存舊志之說以備考

嘉定十三年主戶貳萬貳千捌百玖拾陸計丁

口肆萬伍千叁百壹拾陸客戶壹萬貳千伍百陸拾叁計丁

口貳萬壹千捌拾肆

明制縣一百一十戶為里里分十甲有里長有甲首戶三等曰

民曰軍曰匠區之為十餘戶附於十甲曰畸零丁二等曰成

丁曰未成丁年十六而役六十而免其有職役者曰優免

洪武九年民戶壹萬玖百玖拾陸計丁口伍萬陸千玖拾貳軍

戶叁千陸百壹拾玖計丁口壹萬玖千柒百捌拾柒匠戶伍

百壹拾計丁口叁千伍百伍拾貳二十四年戶壹萬伍千柒
百貳拾捌口拾萬玖百有伍 永樂二年戶壹萬陸千伍百
捌拾伍口拾萬伍千壹百伍拾壹十年戶壹萬陸千捌百壹
拾柒口壹拾壹萬貳千玖拾捌 宏治十五年戶壹萬陸千
陸百肆拾壹口壹拾壹萬陸千柒百伍拾伍 正德八年戶
壹萬陸千陸百肆拾捌口壹拾壹萬陸千柒百捌拾肆 嘉
靖二十一年戶壹萬陸千伍百玖拾伍口壹拾壹萬捌千陸
百叁拾柒 萬曆十三年戶壹萬柒千叁百肆拾柒口捌萬
肆千陸百肆拾肆二十一年戶壹萬柒千叁百肆拾柒口壹
拾壹萬捌千玖拾貳

萍鄉縣志

卷四

賦役

二

按嘉靖而還役法日重萬曆之末軍事漸興迄於崇禎死亡
之數幾過半矣

國朝定制編里分甲悉蠲諸雜戶名男曰丁女曰口凡畸零者亦
附焉民戶之外有充漕役者曰軍戶茲先載其在民者

順治十一年除逃丁捌千玖百壹拾叁十四年核優免丁賦不
准紳衿優免銀陸兩壹錢壹分肆釐捌毫 康熙五十二年
新丁漸盛續生永不加賦 雍正五年通省計地定丁派丁
入糧 乾隆十一年停婦女編審三十七年停人丁編審

見在人丁婦女共肆萬叁千陸百貳拾伍丁口內人丁伍千陸

百貳拾柒

每丁徵銀壹錢貳分叁釐肆毫叁絲壹忽肆微玖纖

實應徵銀陸百伍拾兩

壹錢壹分叁釐陸毫無糧單丁陸百陸拾肆

每丁徵銀陸分肆釐壹毫柒絲

陸

實應徵銀肆拾貳兩陸錢玖釐叁毫優免丁貳百壹拾捌

每丁徵銀陸分叁釐柒毫捌絲肆微捌纖

實應徵銀壹拾叁兩玖錢肆分壹釐

外

准優免銀陸兩壹錢壹分肆釐捌毫

婦女叁萬柒千肆百柒拾陸

每口徵銀肆釐玖毫玖忽

柒微

實應徵銀壹百捌拾叁兩玖錢玖分陸釐柒毫

以上丁口銀並歷年增徵歸併各款實共徵銀貳千柒百伍拾

玖兩叁錢玖分壹釐俱攤派地糧內均勻帶徵

萍鄉縣志

卷四

賦役

田糧

明田畝之制入官者曰官田在民者曰民田夏稅曰麥米曰桑

絲秋糧曰米夏稅無過八月秋糧無過明年二月米麥曰本

色折納曰折色

洪武十四年官民田地山塘方叁千陸百肆拾陸頃貳拾柒畝

壹分爲夏稅麥米伍千肆百貳拾伍石伍升壹勺桑絲壹百

伍拾筋柒兩捌錢肆分秋糧米伍萬伍千肆百叁拾壹石貳

升捌合捌勺 正德八年官民田地山塘方叁千柒百壹拾

叁頃伍拾肆畝肆分爲夏稅麥米伍千伍百捌拾壹石貳斗

玖升捌合柒勺桑絲壹百伍拾壹觔陸兩貳錢肆分秋糧米
伍萬陸千柒拾石陸斗叁升捌合柒勺 萬曆十三年官民
田地山塘方叁千柒百壹拾叁頃肆拾伍畝伍分爲夏稅麥
米伍千伍百陸拾玖石陸斗玖升壹合叁勺桑絲壹百伍拾
壹觔陸兩肆錢捌分秋糧米伍萬陸千柒拾石陸斗伍升叁
合貳勺藍靛米叁斗叁升陸合塘課米壹拾壹石貳斗陸升
捌合捌勺二十一年官民田地山塘方叁千柒百壹拾頃肆
拾伍畝伍分爲夏稅麥米伍千伍百捌拾壹石零桑絲壹百
伍拾壹觔零秋糧米伍萬陸千柒拾石零

按明初僞將歐祥以袁郡內附誤將叁升鄉斗報爲拾升官
斗其時雖減半科田而壹畝仍科秋糧壹斗陸升伍勺外夏
稅壹升陸合比他郡實重二倍以上不等萬曆九年江省
行丈量法署縣事同知陶之肖辭以事煩遂不果凡屬官民
田概從一則攤派萍田伍畝捌分科糧壹石視前更重云
其稅糧之數有論畝者有論糧者有輸米者有輸銀者有議減
者有議加者 洪武九年初令民以銀鈔錢絹代輸願入粟
者聽 正統元年田壹畝納米伍升叁合餘以銀布輕贖
宏治七年糧壹石派銀肆錢肆分伍毫零 正德十年糧壹

石加爲銀肆錢玖分玖釐玖毫零 嘉靖初年糧壹石加爲銀伍錢伍分柒釐貳毫零九年糧壹石減銀壹分捌釐肆毫再減爲銀伍錢壹分伍釐伍毫零二十二年糧壹石減爲銀伍錢貳釐零三十六年糧壹石減爲銀肆錢肆分伍釐陸絲零三十八年糧壹石減爲銀肆錢壹分捌釐貳毫叁絲零萬曆九年以後糧壹石派祿米榜紙等加爲銀伍錢貳分零四十七年議減銀壹千玖拾捌兩零其賦稅有正供者有雜派者夏稅秋糧以下爲數三十三爲銀壹萬玖千柒百兩零

萍鄉縣志

卷四

賦役

五

其四差法有論戶丁者有兼論丁糧者惟優免徵里甲免其三差一曰里甲茶芽藥材以下爲數四十八爲銀肆千陸百伍兩陸錢零二曰均徭北京富戶以下爲數四十七爲銀貳千壹百捌拾陸兩柒錢零三曰驛傳上馬中馬衡水夫驛水夫爲數四爲銀玖百陸拾兩叁錢零四曰民兵精兵常兵捕兵爲數三爲銀叁千肆拾貳兩玖錢零

其三餉例皆按畝萍田少糧多惟按糧加派其數倍於他郡一曰遼餉見萬曆四十六年二曰助餉見崇禎八年三曰練餉見十二年

按隆慶二年巡撫劉光濟行一條鞭法歲需供費量田計丁
令民輸其銀官為經理苦樂適均未幾復壞之論者謂江省
之賦他郡利於計糧獨袁瑞利於計畝乃萍鄉始以田加糧
繼以糧派銀終以糧增餉浮糧久累於前四差並擾於繼三
餉疊增於後弊深費重民困逋賦可勝道乎哉

國朝原額官民田地山塘方壹萬陸百肆拾叁頃肆拾伍畝伍分

內田一則方叁千壹百陸拾壹頃伍拾捌畝叁分每畝原編米壹升壹

合陸勺柴抄壹撮壹圭捌粟叁粒微地一則方貳百玖拾頃

柒拾捌畝肆分每畝原編米伍合捌勺柒抄貳撮叁圭陸粟微銀陸分捌毫肆絲陸忽捌纖桑

萍鄉縣志 卷四 賦役 六

地一則方貳拾玖頃捌拾玖畝玖分每畝原徵桑絲折銀肆分壹毫貳毫陸絲伍忽

伍微陸纖藍靛地一則方壹拾陸畝捌分每畝原徵糧銀伍毫壹毫肆絲山一則

方柒千壹頃柒畝原不編米微銀塘一則方壹百伍拾柒頃柒拾陸

畝叁分每畝原編米叁合柒勺貳抄陸圭玖粟微魚塘一則

方貳頃壹拾捌畝捌分每畝原徵銀壹分壹毫原編起存各

款並加增玖釐地畝銀共肆萬伍千柒百捌拾叁兩伍分捌

毫中有學儲米伍石柒斗玖升額派四差銀壹兩貳錢陸分伍毫陸絲貳忽另免徵中有不准紳衿優免米貳百壹拾捌石額派三差銀貳拾壹兩柒錢玖分叁毫貳絲陸忽伍微壹纖並入徵

順治十一年清汰浮糧減夏稅麥米貳千伍百貳拾玖石肆斗

肆升伍合玖勺減秋糧米貳萬伍千叁百肆拾石捌斗叁合柒勺實減糧銀貳萬陸百叁拾陸兩陸錢叁分陸釐凡徵銀貳萬伍千壹百肆拾伍兩壹錢伍分肆釐貳毫叁絲捌忽

附浮糧案畧 順治十年二月二十八日江西右布政莊應會等奏請清汰浮糧一摺內開近奉

聖旨朝覲首領官面見後如有地方情形及興革利弊聽各官具本奏聞欽此欽遵竊臣等待罪江右謹將瑞袁兩府一地二糧重累三百餘年應革大弊為我

皇上陳之按舊志元至正二年瑞州府開載田糧一十二萬五千七百四十三石有奇袁州府稱是至洪武二十四年瑞州府增至二十二萬五千三百五十二石零袁州府亦增至二十一萬七千餘石較之原額浮十萬矣詳考其故陳友諒據瑞州兵餉匱絀於額糧暫借一年此不終日之計也未幾友諒敗有老人黎伯安妄將借徵冊籍抱獻明太祖希賞遂照數起徵又歐祥割據袁州洪武初遣子納降本郡糧民米三升

萍鄉縣志

卷四

賦役

七

其子失察誤報官斗十升江西南昌等府糧則科田三十畝為一石有二十五畝為一石者分為上中下三則追徵惟袁州誤報官斗止五畝八分為一石此猶顯而易見者兩郡之民非積年拖欠即流徙逃亡遺累三百餘年前朝撫按屢經疏請未革

皇上如天好生與民更始正剔弊作新之日伏乞

軫念江西為天下極苦寒之省而瑞袁二府尤江省最凋疲之區勅下該部轉行撫按丈量田畝清汰浮糧俾二府之科與本省十

一郡之科相準永著畫一之規早定樂輸之額仰祈聖鑒立賜施行等因三月初三日奉

聖旨著詳察確議具奏該部知道欽此 四月二十一日戶部題摺畧云該臣等看得江西布政莊應會等奏稱瑞袁二府以凋疲殘郡科糧獨重遺累已久請汰浮糧與各府相準臣部備查該省地糧較他府雖地少糧多但疏內科編緣由臣部並無元季明季冊籍可考合無勅下該督撫按備查元季明季冊籍瑞袁二府科糧獨重或地係膏腴或從前誤編苦累有何確據逐一勘實具奏以憑覆請定奪可也既經該司案呈前來相應覆請恭候

命下臣部轉行遵奉施行等因二十三日奉
聖旨依議欽此

萍鄉縣知縣吳興祥申文畧云卑職查得通省賦役全書惟
袁糧額賦偏重較之贛屬會昌安遠等處有重三十倍二十
倍者較之撫建饒南等處有重二三倍者今日不敢比從此
例只就湖西吉臨兩府屬邑言之查安福田有二則上則官
田每畝科米三升三合六勺民田每畝科米七升二合二勺
二則官田每畝科米二升四合一勺民田每畝科米五升一
合七勺新喻田有三則上一則每田一畝科官民米九升三
合二勺三抄一撮二則每田一畝科官民米八升三合五勺
七抄二撮八粟五粒三則每田一畝科官民米七升七合二
勺一抄今同處一方田壤相接內有官田民田之不等二則
三則之懸殊惟萍邑田止一則每田一畝科官民米一斗六
升六合九勺六抄七撮一圭一粟安福總計官民田地山塘
七千二百七十七頃九十六畝九分七釐共派官民米六萬
一千九百九十八石九斗四升八合三勺新喻田地山塘共
一萬一千六百八十八畝九斗九分三釐六毫共派官民米
七萬二千二百二十石三斗二升九合萍邑除山七千一頃七

萍鄉縣志 卷四

賦役

八

畝原不科糧不開外實科官民田地塘通共三千六百四十
二頃三十八畝五分共派官民米五萬六千七百六十四
升六合三勺比之安福實重二倍比之新喻實重一倍前朝
始於歐祥誤報泥於祖制相沿

朝廷
空存重賦之名百姓徒受重累之苦歷年道欠國無實用幸
奉憲撤除害正賦革故鼎新今日不敢比安福與新喻之例
照上一則每田一畝科米九升三合二勺三抄一撮每畝應
減編米七升三合七勺三抄六撮一圭一粟地塘並以新喻
為例萍邑通共應編夏稅秋糧官民米三萬三千七百九十
石四斗五升一勺七抄一撮五圭七粟應編本折糧差銀二
萬九千六百八錢一分五釐三毫萍邑通共應減編夏秋官
民米二萬七千八百六十一石四斗九升四合八勺二抄六
撮四圭三粟通共應減本折糧差銀一萬六千五百七十一
兩六分七釐六毫萍殘之後民不堪命自當革除重害休養
民生以濟實用也
署府事本府推官王延禱申文畧云覆看得袁郡之在江右
最稱疲瘠總由明初歐祥誤報鄉斗作官斗以定賦額釀成
三百年莫紓之困向來守令入疆問俗未嘗不思釐正然而

陳訴盈几聚議幾番榮合道旁終無定局非礙於祖制之難更即拘於款額之已定今幸

興朝鼎創百度維新且積弊情形業蒙憲臺洞鑒兩經入告小民真不啻望歲矣謹按袁屬田糧查較通省有相懸至三十倍者最重之處相去亦不下二三倍夫使地果肥腴俛首供賦可也袁處重山複嶺之中夙號硠礪每年所入不足以贍其

朝廷徒有重賦之名而無裨於實濟今據各縣所議不敢遠比會昌等處相去二三十倍者而僅求如接壤地隣比之安福新

諭仍比最重之新喻新喻最重之上則每畝科米九升三合二勺三抄一撮較之別屬已為極重矣至於元季明季册籍歷年滋久無復存遺為憑然屢經兵火之餘幸郡志尙覓獲田賦一帙呈上憲覽亦足以知其梗概矣甦累朝之積困以息疲民定

昭代之典章而垂永久是在憲臺始終加惠也

分守湖西道右參政張子珽分巡湖西道僉事鮑開茂詳文畧云會看得袁陽僻處山陬地瘠民貧而賦額較他郡獨重揆厥所由蓋起於明歐祥開報之誤以鄉斗作官斗計斗科

萍鄉縣志

卷四

賦役

九

糧因成積累兼以額款各定祖制難移雖釐正各有其心而事係更張謀歸築舍積因三百餘年而未之甦也邇幸

聖朝莅政百度維新民間之疾苦國賦之盈虛在當事軫恤恩勤有聞必告此正凋敝袁民得甦苦累之日也據詳以袁糧

與通省相較有懸至二三十倍或二三倍茲不敢遠比越屬卽例之新喻比以上則猶為加重其他可知也賤土食毛敢辭輕重但以土瘠民貧之地賠累日久髓骨蕭然以敲朴而貽通賦之名何如一均減而實惟正之類法垂無弊為可久耳總候尊裁其元季明季册籍年久無存幸郡志中猶有田賦一帙業據呈覽亦足以稍悉其概定

一代之典章甦萬民之積困

恩出自

天非本道所得擅也

左布政使盧震陽分守南瑞帶管督糧道右參議遲日震詳文畧云會看得江右迺禹貢揚州之域地勢形勝介山濱湖田惟下下備載古典易於水旱難於豐稔且又差繁賦重較他省則江右為至饒至瘠之地而瑞袁二府又江右之最下者幅員既窄人戶稀少田地弱薄而科糧獨甲通省考之志

載袁屬四縣在宋崇寧年間編戶共一十三萬二千二百九十九至宏治年間編戶止六萬六百一十九自宋迄明人戶消耗強半矣查其田糧均係一則每畝科至一斗六升七八合不等較之漢編安福縣上則民田每畝科糧七升二合零新喻縣上則田每畝科糧九升三合零者則重二倍矣然數縣皆同一壤土而起科輕重不啻天淵其禍起於明初僞將歐祥以三升之鄉斗穀作十升之官斗遂倍其額自明迄今錢糧積逋從無完期逃亡不止叛變不常皆本於所入者少而貽累多故也以是民徒受敲朴連買之刑官徒受怠緩催科之罰其在前朝亦徒受重徵倍徵之虛名也積累相仍沿而未改民斃杖下官羅參處不知凡幾而告汰告減之詞每歲具控呼籲之口血未嘗乾也當時執事洞鑷荼苦屢經上達民人望恩難下亦屢經叩闕明季止邀有官徵至七分免參之旨然又未及清汰以出民於水火之中今幸遇我

清御宇

皇仁覃布利樊民隱覲臣咸令入告此誠千載一遇

堯天也故駐右轄安僉憲將二郡三百年之苦累虛糧圖繪上陳

清汰承部覆奉

萍鄉縣志

卷四

賦役

十

俞旨備查元季明季冊籍瑞袁二府科糧獨重或地係膏腴或從前誤編緣由確實覆請本司道隨經移行該轄各道并各府縣欽遵確查去後今據該道府縣查具士民具控告累緣由及瑞州袁州府志覆看得來委係明初奸民僞將投獻從前誤編又經本司道覆核無異合無呈請憲臺憐此數百年之重累速賜力請將袁屬每畝一斗六升七八合之誤科減照新喻九升三合之實賦如是二郡殘民漸獲生聚 國課永可無逋是我

皇上輕徭薄賦之政大有裨於治道矣

九月十五日巡撫江西左副都御史蔡士英題摺畧云看得瑞袁二府郡縣介在山阜聯亘之區土壤素稱沙磽捉封悉屬山隘中多不毛之上其地之可耕者皆山之畔而澗之濱求其沃野平原實無幾焉夫以此磽确之區可耕者既窄而科糧偏重者由袁郡鄉斗與官斗不同因明初僞將歐祥歸附之時投獻冊籍誤以三升之鄉斗報作官斗之十升今欲證之元明二代冊籍蓋年已數更兵火幾見無怪乎無存也亦幸獲明之志書其所載重賦頗末不啻皎皎查其田糧均係一則每畝科至一斗六升七八合不等較之接壤之境如

臨之新喻上則田每畝科糧九升三合吉之安福上則民田每畝科糧七升二合夫以一地之土而賦稅輕重竟至倍相懸殊此尤易見之事也再稽之戶口在宋崇寧間編戶一十三萬二千二百九十有九迨至明宏治間止存六萬六百一十九矣其逃亡滅損之數亦與瑞州相等此二郡之志班班可考按戶口之數自宋元至明宏治年間已消亡過半而自宏治迄今又經數百餘載近來屢當兵燹驚散疫癘傷亡其中消耗之戶又不知凡幾而額載之糧總未減其毫末夫人愈少而賦愈重賦愈重則錢糧愈覺其難完所以年復一年轉相拖欠民徒受其敲朴官徒受其降罰散離相枕溝洫時盈窳之亦何補於國賦也此在曩昔承平之時猶多積逋從無完期故牧斯土者曾以七分考成尚不能如期如式善無土而糧誠巧婦之難可以不問而知者今我皇上親政以來洞切民隱諮諏博訪百度維新更令覲臣各陳利弊與民更始此右布政使莊應會巡南道僉事安世鼎以身親目覩之大累而為應

皇恩大沛
首末言之直陳也倘沐

萍鄉縣志

卷四

賦役

七

鴻慈軫恤袁郡三百年之積困將袁屬之糧每畝一斗六升七八合之課科減照新喻上則每畝科九升三合之實賦庶現在予遺得以安心茲土後來生聚必至盡力正供田野日闢國賦日增實大有裨益矣今據該司道會詳前來除將二郡所存志書送戶部查考外臣謹會同江南督臣馬國柱合詞具題伏乞

勅下該部覆覈准與謄行臣等轉行遵奉施行等因十月二十七日奉

聖旨著議奏該部知道欽此

十一年三月初四日戶部題摺畧云該臣等看得先該布政使莊應會奏瑞袁二府科糧獨重議清浮糧與各府相準臣部請

勅該督撫查元季明季冊籍或地係膏腴或從前誤編有何確據勘實具奏今該撫具題送到瑞袁二府志書袁州府志內稱元末田一畝納米三鄉斗每斗止有三升共計九升明初課以官斗作鄉斗嫌其過重命減半科每畝納米一斗六升五勺比元季每畝多七升五勺共多米十萬八千一百二十五石零較之新喻上則田每畝仍多米六升七合二勺六抄九

據前後額數懸絕志書開載甚明

本朝有利必興無害不革何獨重累此一方民似應清減以昭
皇上浩蕩之恩雖歷年舊額相沿但江西全省近年荒歉在在告
獨二府以極瘠之地有倍額之糧責之樂輸勢所不能相應
將瑞州府浮糧減照元季之例徵糧袁州府浮糧減照相連
之新喻上則田徵糧事關錢糧臣等未敢擅便應請

聖明裁定既經該司案呈前來相應覆請恭候

命下臣部轉行遵奉施行等因初五日奉

聖旨這浮糧積久重困一方應從原額清汰着該督撫飭該府縣
官確遵減免毋得踵襲混徵有辜德意欽此

又本年除荒產伍千陸拾肆頃壹拾柒畝柒分陸釐陸毫

內荒田壹

千陸百壹拾伍頃肆拾貳畝玖分捌釐玖毫荒地壹百叁拾
叁頃貳拾壹畝叁分荒桑地貳拾玖頃捌拾玖畝玖分荒藍
靛地壹拾陸畝捌分荒山叁千貳百壹拾壹頃壹拾伍畝玖
分壹釐荒塘柒拾貳頃壹拾貳畝陸釐柒毫荒魚塘貳頃壹
拾捌畝
實減糧銀壹萬貳千捌百伍拾陸兩叁錢叁分玖釐

萍鄉縣志

卷四

賦役

七

玖毫越年後民勤土墾續報田地山塘方肆千貳百伍拾頃
捌拾壹畝柒分玖釐壹毫捌絲叁忽陸微肆纖增徵銀捌千
壹拾玖兩貳錢壹分叁釐肆毫壹絲玖忽壹微柒纖維時田
地山塘方玖千捌百叁拾頃玖畝伍分貳釐伍毫捌絲叁忽
陸微肆纖凡徵銀貳萬叁百捌兩貳分柒釐柒毫伍絲柒忽
壹微柒纖

雍正六年縣民周作孚以欺隱告乃行清丈巡撫謝旻委知府
薄履青督其事十一月歸聖鄉大寧里生員王道生李道淳
呈議丈量事宜薄多從其言八年入額官民田

照新喻縣分
上中下三則

編地 原額三則均 山 仍不編 塘 原額二則均 方壹萬玖百伍

拾頃陸拾貳畝捌分柒毫捌絲柒忽伍微捌織內上田一則

方捌百陸拾柒頃伍拾捌畝玖分肆釐肆毫肆絲玖忽捌微

陸織 每畝除原汰浮外實編米陸合伍勺壹抄六撮玖圭 中

田一則方壹千叁百伍拾壹頃肆拾壹畝柒分伍釐貳毫陸

絲伍忽捌微肆織 每畝實編米伍合捌勺叁抄柒撮陸圭伍

微玖織壹 下田一則方壹千肆百玖拾伍頃柒拾貳畝肆分

貳釐伍毫叁絲肆忽捌微伍織 每畝實編米伍合叁勺玖抄

陸捌毫玖絲玖忽 地一則方壹百捌頃叁拾貳畝伍分叁釐

萍鄉縣志 卷四 賦役 三

貳毫壹絲陸忽肆微肆織 每畝除原汰浮外實編米壹合柒

玖毫捌忽 山一則如原額塘一則方壹百貳拾陸頃伍拾畝

壹分伍釐叁毫貳絲伍微玖織 每畝除原汰浮外實編米貳

微銀貳分柒釐貳毫 自清丈以後續報新墾上田方壹拾玖畝叁分中田方壹頃伍

拾捌畝壹分下田方叁拾叁頃壹拾玖畝陸分伍釐玖毫捌

絲玖忽貳微伍織新墾地方捌拾陸畝貳分貳釐壹絲貳忽

肆微貳織新墾山方貳頃叁拾柒畝貳分玖釐 照高安縣每

伍 新墾塘方壹拾畝陸分玖釐捌毫 畝編銀柒絲

微

見在成熟田地山塘方壹萬玖百捌拾捌頃玖拾肆畝捌釐內
成熟上田一則方捌百陸拾柒頃柒拾捌畝貳分肆釐肆毫
肆絲玖忽捌微陸纖實共編米伍百陸拾伍石伍斗貳升捌
合陸勺捌抄貳撮壹圭共徵銀陸千伍百玖拾兩玖錢肆釐
成熟中田一則方壹千叁百伍拾貳頃玖拾玖畝捌分伍釐
貳毫陸絲伍忽捌微肆纖實共編米柒百捌拾玖石捌斗叁
升叁合貳勺陸抄壹撮捌圭共徵銀玖千貳百伍兩貳分玖
釐陸毫肆絲成熟下田一則方壹千伍百貳拾捌頃玖拾貳
畝捌釐伍毫貳絲肆忽壹微實共編米捌百貳拾伍石壹斗

陸升捌合伍勺陸抄肆撮伍圭共徵銀玖千陸百壹拾陸兩
捌錢叁分捌釐捌毫陸絲成熟地一則方壹百玖頃壹拾捌
畝柒分伍釐貳毫貳絲捌忽捌微陸纖實共編米壹拾捌石
陸斗肆升柒合壹勺伍抄柒撮叁圭共徵銀貳百壹拾柒兩
叁錢伍分柒釐陸毫陸絲成熟山一則方柒千叁頃肆拾肆
畝貳分玖釐內新墾山實共徵銀壹分柒釐成熟塘一則方
壹百貳拾陸頃陸拾畝捌分伍釐壹毫貳絲伍微玖纖實共
編米叁拾石伍斗陸升壹合肆勺伍抄壹撮共徵銀叁百肆
拾肆兩柒錢壹分壹釐肆毫壹絲

以上田地山塘實共徵銀貳萬伍千玖百柒拾肆兩捌錢伍分

捌釐伍毫柒絲

中有學儲米額派
四差銀另免徵

總計地銀貳萬伍千玖百柒拾肆兩捌錢伍分捌釐伍毫柒絲

中有學儲米額派
四差銀另免徵

並帶徵丁銀貳千柒百伍拾玖兩叁錢玖

分壹釐匠班改歸地糧銀陸拾捌兩肆分本折色時價及核

減原價正脚銀伍拾陸兩肆錢叁分貳釐雜辦兵糧耗費銀

壹百伍兩伍錢貳分大共起運存留正雜等銀貳萬捌千玖

百陸拾貳兩玖錢捌分壹釐捌忽遇閏加銀貳百貳拾肆兩

陸分肆釐耗羨銀貳千捌百玖拾陸兩貳錢玖分捌釐壹毫

捌絲

兵米

南糧有正米有副米原額壹萬叁千陸拾肆石陸斗陸升叁合

貳勺有南糧無兵米運赴江南上倉後改留本省以柒分折

銀充兵餉抵米玖千壹百肆拾伍石貳斗陸升肆合貳勺以

叁分徵米充防守兵糧共徵米叁千玖百壹拾玖石叁斗玖

升玖合

順治十一年清汰浮糧減米壹千柒百柒拾壹石貳斗柒升玖

合柒勺凡徵米貳千壹百肆拾捌石壹斗壹升玖合叁勺又

本年除荒缺米壹千玖拾貳石玖斗貳升壹合捌勺肆抄凡
徵米壹千伍拾伍石壹斗玖升柒合肆勺陸抄

康熙二十四年邑人劉瑞貞以戶運賦滯灘淺運艱泣感縣
令尙崇年叩大府察其弊撫江都院佟公康年達之戶部得
旨準舊額糧壹石折銀肆錢叁分歸入地丁併納改畱本省充餉
其隨漕米亦改兵折如例 詳協辦太學士孫公玉庭所撰

劉善人
墓記

雍正六年清丈八年入額並以後續墾新墾見在實共編米貳
千貳百貳拾玖石柒斗貳升柒合叁勺每石折銀陸錢實共
折銀壹千叁百叁拾柒兩捌錢叁分陸釐耗羨銀壹百叁拾
叁兩柒錢捌分肆釐

萍鄉縣志

卷四

賦役

去

乾隆四十九年奉文兵米每石加價銀壹錢玖分貳釐捌毫玖

絲貳忽貳微陸纖實共加增兵折銀肆百貳拾玖兩玖錢捌

分壹釐

不加耗羨 嘉慶十八年知縣
陳國華歸入地丁帶征分解

起運

起運有四曰丁銀曰地銀曰隨漕曰兵折計丁徵賦謂之丁銀
計畝徵賦謂之地銀地畝徵銀按數額派以協濟漕運者謂
之隨漕地畝徵米初南糧柒分折銀今減併地丁起解惟叁
分徵米袁營兵糧坐給宜分二縣以萍米解給漕船運丁者
今亦折銀謂之兵折至驛站之費卽於地丁正銀內並解

地丁正銀貳萬伍千貳百捌拾貳兩柒錢柒釐捌忽

驛站銀在內遇

閏加壹百肆拾玖兩柒錢壹分肆釐 地丁腳耗銀貳百陸

拾貳兩陸錢伍分捌釐遇閏加伍分壹釐 地丁耗羨隨正

銀壹千肆百壹拾伍兩捌錢叁分壹釐伍毫玖絲貳忽 地

丁餘羨銀壹百叁拾柒兩叁錢陸分壹釐伍毫捌絲捌忽

以上俱解藩庫實共地丁起運銀貳萬柒千玖拾捌兩伍錢伍分捌釐壹毫捌絲捌忽

裁站夫十三名工食銀壹百肆拾兩肆錢遇閏加壹拾壹兩柒

錢 裁差馬四匹工料銀壹百壹拾伍兩貳錢遇閏加玖兩

奉鄉縣志

卷四

賦役

七

陸錢 裁馬夫一名工食銀拾兩捌錢遇閏加玖錢 廩給

口糧銀伍兩 水驛銀壹百兩

以上初解臬庫今解藩庫實共驛站起運銀叁百柒拾壹兩肆

錢

即在地丁正銀內

協濟漕運銀壹千伍百貳拾柒兩捌錢叁分 淺船銀叁兩貳

錢貳分肆釐

以上俱解糧道庫實共隨漕起運銀壹千伍百叁拾壹兩伍分肆釐耗羨銀壹百伍拾叁兩壹錢伍釐

濟造銀叁百貳拾貳兩叁錢貳分 濟運銀壹百柒拾伍兩玖

錢叁分玖釐 裁兵餉銀捌百叁拾玖兩伍錢柒分柒釐

以上俱解糧道庫實共兵折起運銀壹千叁百叁拾柒兩捌錢

叁分陸釐耗羨銀壹百叁拾叁兩柒錢捌分肆釐外加增兵

折銀肆百貳拾玖兩玖錢捌分壹釐

不加耗羨

存留

同知俸銀捌拾兩門子二人銀壹拾壹兩捌錢步快八人銀肆

拾柒兩貳錢皂隸十二人銀柒拾兩捌錢轎傘扇夫七人銀

肆拾壹兩叁錢

知縣俸銀肆拾伍兩門子二人銀壹拾壹兩捌錢民壯十五人

萍鄉縣志

卷四

賦役

七

銀捌拾捌兩伍錢增器械銀叁拾兩馬快八人銀肆拾柒兩

貳錢皂隸十四人銀捌拾貳兩陸錢庫子四人銀貳拾叁兩

陸錢斗級四人銀貳拾叁兩陸錢伴作一人銀伍兩玖錢學

習伴作二人銀伍兩玖錢禁卒七人銀肆拾壹兩叁錢轎傘

扇夫七人銀肆拾壹兩叁錢吹手四人銀壹拾玖兩陸錢陸

分陸釐柒毫遇閏加壹兩陸錢陸分陸釐肆毫

計同知知縣衙門各役工食皆按銀陸兩扣小建壹錢共扣銀玖兩伍錢叁分叁釐叁毫統入地丁正銀彙解惟民壯器

械銀小建不扣

教諭俸銀肆拾兩訓導俸銀肆拾兩齋夫三人銀叁拾陸兩門

斗二人銀壹拾肆兩肆錢

典史俸銀叁拾壹兩伍錢貳分門子一人銀陸兩皂隸四人銀貳拾肆兩馬夫一人銀陸兩

蘆溪司巡檢俸銀叁拾壹兩伍錢貳分皂隸二人銀壹拾貳兩弓兵九人銀壹拾陸兩貳錢遇閏加壹兩叁錢伍分

安樂司巡檢俸銀叁拾壹兩伍錢貳分皂隸二人銀壹拾貳兩弓兵九人銀壹拾陸兩貳錢遇閏加壹兩叁錢伍分

以上俸工存留銀共壹千叁拾肆兩捌錢貳分陸釐柒毫文廟二祭銀叁拾柒兩貳錢肆分肆釐肆毫

萍鄉縣志

卷四

賦役

九

崇聖祠二祭銀陸兩

名宦祠二祭銀貳兩壹錢壹分叁毫肆絲

鄉賢祠二祭銀貳兩壹錢壹分叁毫肆絲

忠義孝弟祠二祭銀貳兩

節孝祠二祭銀貳兩

文廟香燭銀壹兩捌錢遇閏加壹錢伍分

關帝廟三祭銀肆拾兩

文昌宮二祭銀貳拾陸兩

社稷壇二祭銀捌兩

風雲雷雨山川壇二祭銀捌兩

邑厲壇三祭銀拾兩捌錢

以上祭祀存留銀共壹百肆拾陸兩陸分伍釐捌絲

鄉飲酒禮銀叁兩伍錢伍分歲貢酒禮銀貳兩伍錢縣學廩膳

銀肆拾兩過閏加叁兩叁錢叁分叁釐孤貧十二人銀肆拾

叁兩貳錢過閏加叁兩陸錢

孤貧小建按日扣銀另文解司

以上公事存留銀共捌拾玖兩貳錢伍分

額外孤貧二人銀柒兩貳錢過閏加伍錢捌分小建按日扣銀由縣墊給另於奏銷後赴司領還

站夫十二人銀壹百貳拾玖兩陸錢過閏加拾兩捌錢差馬四

萍鄉縣志

卷四

賦役

辛

四工料銀壹百壹拾伍兩貳錢過閏加玖兩陸錢馬夫一人

銀拾兩捌錢過閏加玖錢鋪兵四十三人銀貳百叁拾貳兩

貳錢過閏加壹拾玖兩叁錢伍分

小建按日扣銀站馬夫扣叁分差馬扣捌分鋪兵扣

壹分伍釐另歸驛站分解

以上驛站存留銀共肆百捌拾柒兩捌錢

總計各項存留銀共壹千柒百伍拾柒兩玖錢肆分貳釐

地丁正賦之外耗羨以加一為準其銀以伍分陸釐解司名為

隨正以肆分肆釐開銷知縣養廉各款餘數仍解司名為餘

羨

知縣養廉銀壹千兩典史養廉銀陸拾兩蘆溪司養廉銀陸拾兩安樂司養廉銀陸拾兩丁祭不敷銀肆兩常雩祭禮銀陸兩

以上耗羨存留銀共壹千壹百玖拾兩

貢稅

甲字庫 銀硃貳觔玖兩伍錢每觔價銀肆錢陸分正墊脚銀壹兩叁錢貳分貳釐柒毫捌絲貳忽伍微 五楮子肆兩貳錢玖分貳釐每觔價銀叁分伍釐正墊脚銀壹分柒毫伍絲壹忽陸微叁纖伍沙 紫草壹兩每觔價銀叁分壹釐正墊

萍鄉縣志

卷四

賦役

脚銀捌釐捌毫陸絲陸忽柒微伍纖 苧布壹百伍拾疋疋價銀壹錢貳分又於水脚銀內扣出壹分仍歸正額正墊脚銀叁拾肆兩伍錢

丁字庫 桐油肆觔叁兩伍錢玖分捌釐伍毫每觔價銀叁分正墊脚銀壹錢叁分陸釐伍毫玖絲伍忽叁微伍纖捌沙柒塵伍埃

以上二庫本色物料銀叁拾伍兩玖錢柒分玖釐解府

戶部 禮部 兵部 工部

以上四部各款減併折色物料正墊脚銀玖拾貳兩陸錢肆分

壹釐解藩庫

田房稅契銀 當稅銀伍兩 牙稅銀貳拾叁兩 官地租銀

壹拾柒兩陸錢伍分

以上雜鈔解藩庫凡當稅牙稅地租徵解有定額惟稅契每銀壹兩稅銀叁分儘徵儘解

屯丁

屯丁貳丁

徵銀如民丁數

實應徵銀貳錢肆分柒釐屯單丁叁丁

徵銀如民

單丁數 實應徵銀壹錢玖分貳釐

康熙五十二年續生屯丁均免加賦 雍正五年派屯丁入通

萍鄉縣志

卷四

賦役

三

省屯糧附縣帶徵 乾隆三十七年停屯丁編審

以上屯丁屯單丁共銀肆錢叁分玖釐並增徵銀壹拾叁兩玖錢陸分貳釐實共徵銀壹拾肆兩肆錢壹釐遇閏加銀貳錢伍分伍釐俱攤派屯糧內均勻帶徵

屯糧

屯田原額陸拾頃叁拾畝

每畝編籽粒米貳斗

雍正八年清丈並以後新

墾見在成熟屯田肆拾陸頃貳拾玖畝肆分伍釐實共編籽粒米玖百貳拾伍石捌斗捌升玖合陸勺 每石折銀肆錢 應共徵正折銀叁百柒拾兩叁錢伍分陸釐 每石徵加增銀壹錢 應徵加增銀玖

拾貳兩伍錢捌分玖釐餘租銀陸百伍拾肆兩伍錢伍分叁

釐捌毫 屯地壹拾叁頃捌分叁釐 每畝編麥豆糧貳斗貳升叁合捌勺叁抄捌撮

肆實共編麥豆糧貳百玖拾壹石壹斗柒升陸合壹勺 每石折銀

貳應共徵正折銀伍拾捌兩貳錢叁分伍釐餘租銀伍拾貳

兩叁分叁釐貳毫 屯塘壹頃伍拾叁畝伍分貳釐 每畝徵銀貳分

捌釐陸毫肆絲叁忽叁微叁纖貳沙 應共徵銀肆兩肆錢貳釐

以上屯田屯地屯塘共陸拾頃捌拾叁畝捌分共應編籽粒米

麥豆糧壹千貳百壹拾柒石陸升伍合柒勺共應徵正折加

增銀伍百貳拾伍兩伍錢捌分貳釐

萍鄉縣志

卷四

賦役

總計屯糧銀伍百貳拾伍兩伍錢捌分貳釐並帶徵屯丁銀壹

拾肆兩肆錢壹釐大兵徵銀伍百叁拾玖兩玖錢捌分叁釐

遇閏加銀貳錢伍分伍釐耗羨銀伍拾叁兩玖錢玖分捌釐

餘租銀柒百陸兩伍錢捌分柒釐 不加耗羨

屯糧歸縣徵解自康熙九年始今由縣解藩庫者帶徵屯丁銀

壹拾肆兩肆錢壹釐遇閏加銀貳錢伍分伍釐都司存留屯

糧銀壹百叁拾肆兩伍錢玖分叁釐由縣解糧道庫者屯糧

漕運銀叁百玖拾兩玖錢捌分玖釐耗羨銀叁拾玖兩玖分

捌釐玖毫 耗羨銀除解糧道庫尚餘壹拾肆兩捌錢玖分玖釐壹毫俱歸入地丁餘羨銀內解藩庫 餘租

銀柴百陸兩伍錢捌分柴麓

屯運

袁州衛漕船初屬四縣屯丁集府公簽萍鄉運陸船其後分縣公簽萍鄉增至玖船船有正軍有散軍有幫費有家費獨造獨運者伍朋造朋運者肆每船正副貳丁兌米省廢壹船載米壹千貳百石有奇赴糧道庫領行月二糧其船十年一次新造赴糧道庫領料價銀貳百捌兩餘租銀肆百兩

蠲賑

康熙十一年蠲錢糧五十一年蠲明年錢糧五十六年蠲錢糧

萍鄉縣志

卷四

賦役

四

屯衛同 雍正三年蠲錢糧八年蠲明年錢糧有差 乾隆十三年蠲銀貳萬柒千陸百兩伍錢零屯丁糧銀同三十四年蠲屯餘租銀十之三三十六年蠲銀貳萬柒千叁百捌拾兩玖錢零屯丁糧銀同賑水災銀壹千捌百貳兩柒錢玖分四十四年蠲銀貳萬柒千肆百陸兩陸錢零屯丁糧銀同四十八年蠲屯餘租銀十之三四十九年賑水災銀貳千貳百肆拾壹兩貳錢 嘉慶三年蠲銀貳萬柒千伍百柒拾捌兩叁錢玖釐屯丁糧銀同

倉儲

附

常平倉儲之在官者也為數四

康熙二十九年知縣尙崇年修

其地在城在市

倉書實司之總計貯穀壹萬貳千貳百貳石伍斗

北城倉在城北隅貯穀肆千柒百柒拾陸石 蘆溪市倉在縣

東五十里貯穀貳千陸百柒拾捌石伍斗 宜風市倉在縣

東七十五里貯穀貳千叁百陸拾捌石 湘東市倉在縣西

三十里貯穀貳千叁百捌拾石

社倉

乾隆七年存社穀壹千柒百叁拾壹石柒斗奉文撥借常平倉穀玖百壹拾玖石陸斗增作社倉本數九年奉文於

九十兩年內將原借數收還

貯之在民者也為數十二

縣城蘆溪市二倉乾隆二十四年知

縣張教建觀化鄉以下十倉三十三年知縣王鑒請動息穀建

其地在城在市在鄉社長實

萍鄉縣志

卷四

賦役

五

司之

嘉慶五年奉准社倉穀石不必官為經理所有州縣等冊結概行劃免聽民公舉社長副經營出納如辦理妥

善照例給獎毋庸拘定年限更換

總計貯穀貳千玖百柒拾柒石伍斗柒升

貳合

縣城倉在縣署頭門內右附貢葉應祥等並四路共捐穀壹千

陸拾貳石肆斗分貯西北二路捐穀陸百伍拾捌石貳斗乾

隆四十二年社長殷元瑞姚友棠修 蘆溪市倉在蘆溪司

署左職員歐陽國榜捐基分貯東南二路捐穀肆百肆石貳

斗乾隆三十六年水災職員李景厚林立基劉邦基歐陽國

榜增捐穀陸百壹拾肆石伍升 觀化鄉倉在桐田市 新

康鄉倉在康樂里二保二圖 廷宣鄉倉在宣風市 名惠

鄉倉在蘆溪市職員歐陽國榜捐基 大安鄉倉在新店市

長豐鄉倉在四保二圖 欽風鄉倉在草市 歸聖鄉倉

在湘東市邑人王文臣捐基 遵化鄉倉在赤山橋市監生

周建圖偕蘇文盛捐基 安樂鄉倉在上栗市

十鄉之倉未
書捐基者皆
建買基

宋明有在縣西者曰預備倉存畱倉有在蘆溪市者曰便民倉

有在宣風市者曰近民倉此官倉之廢者有在城隍廟右者

曰社倉有在新安里者曰東倉有在長豐鄉者曰南倉有在

大寧里者曰西倉有在清教里者曰北倉此民倉之廢者